

فیشاتی : ۵ غروش

طشره ایچون برغروش ضم اولنور.

مرکز توزیعی : باب عالی جاده سنده ۳۸ نومرولی
«وطن» کتبخانه سیدر.

حسین رمزی بك مرحومك متروكات قلمیه سندن :
برنجی کتاب

خواجه خانم

خانم قیزلره دروس اخلاق

علم اخلاقك لزومی — عائله — عائله یه عیت — والد و پدیره
اطاعت — دوستی — استاد و خواجه یه قارشو وظائف — نظافت
— وحدان یاخورد احکام طبیعیة بشریه — روح انسانی — ملکات
روح — روحك لاموت اوندی — صدق مخاصت — قطعیا یلان
سویلتامك — وقار — تواضع — کبر و غرور — تفاخر — عفت
و ادب — عشوه و حفت — تذللک — جهالت — غضب [حدت]
— مثالت — حیواناته قارشو وظائف انسانیه — لطف و کرم —
تحصل — حمیت — ناموس و شهرت، فصل و مذمت — استقامت،
انصاف، نزاکت — اخوت، عاطفت، شکران و عفو و احسان —
الله [جل جلاله] — جناب حق قارشو وظائف عبودیت — نماز
قلبی — روح عائله — ازدواج — عسکرک — سنجاق و بایراق —
فن ثروت.

فیشاتی : ۵ غروش

معلم شهیر طبیب میرآلای حسین رمزی بك
مرحومك متروكات قلمیه سندن :

ایکینجی کتاب

ازدواج

رهبر ازدواج

مندجات :
مقدمه — ازدواجك مادی و معنوی تاثیراتی —
ذیل — عشق، ازدواج — اقربا آره — مده ازدواجك
مضراتی — کردك — حسن اهتزاز — معامله
زوجیه — عدم اقتدار — ذیل — حامله خانلرك
طوته حقاری — مملک — رجال و نسا ده سن بحران.

صاحب و ناشری : نورالدین رمزی

برنجی طبیبی

۱۳۱۵



معلم شهیر طبیب میر آلائی حسین رمزی بك
مرحومك متروكات قلميه سندن :

ایکتنی کتاب

صنعت ازدواج

رہبر ازدواج

مندرجات :

مقدمہ - ازدواجك مادی و معنوی تاثيراتی -
ذیل - عشق، ازدواج - اقربا آره سنده ازدواجك
مضرتی - كردك - حسن امتزاج - معامله
زوجیه - عدم اقتدار - ذیل - حامله خانگلرك
طوته جقلری مسلك - رجال و نساده سن بحران

صاحب و ناشری : **نورالدین رفیع**

برلجی طبیبی

نظارت جاییله معارفك ۱۹ رجب ۱۳۱۵ و ۲ كانون اول ۱۳۱۴
ناریخی و ۵۸۱ نومرولی رخصتنامه سیله [آ. آصادوربان]
شرکت مرتبیه مطبعه سنده طبع اولمشدر.

۱۳۱۵

46809



۵۰ یاشنده

وفاتی: ۱۲ ربیع ۱۳۱۲

تولد: ۱۰ محرم الحرام ۱۲۵۵

مدت حیاتی: ۵۸ سنه، ۶ آی، ۳ کون

معلم حسین رمزی بك مرحومك آثارى :

- | | |
|---------------------------------|-------------------------------|
| ۱ - اختصار فوائد | ۲۰ - قیزلره مخصوص قرائت کتابی |
| ۲ - علم حیوانات | ۲۱ - اخلاق درسلى |
| ۳ - حفظ صحت عسکری | ۲۲ - آشی درسی |
| ۴ - علم حیوانات | ۲۳ - علم مولید |
| ۵ - مبادی مولید ثلثه | ۲۴ - علم حیوانات طبیه |
| ۶ - مولید ثلثه | ۲۵ - آشی عملیانی |
| ۷ - مبادی مولید ثلثه | ۲۶ - عملی ونظری آشی درسی |
| ۸ - تاریخ طبیعی | ۲۷ - حیواناتك صورت استحضاری |
| ۹ - حیواناتك تشریح وفسیولوژیسی | ۲۸ - خواجه خانم |
| ۱۰ - عمر وعافیت بشر | ۲۹ - صاغدیج |
| ۱۱ - تاریخ طب | ۳۰ - آشی نورکی |
| ۱۲ - میقروب | ۳۱ - طفیلات حیوانیه |
| ۱۳ - رهنمای تفتیش الحرم | ۳۲ - طبابت عرب |
| ۱۴ - زوونطخی | ۳۳ - تدریسات فذیه |
| ۱۵ - علاوهلی بوکیون ترجمه سی | ۳۴ - قیزلره مخصوص قرائت کتابی |
| ۱۶ - مختصر تاریخ طبیعی | ۳۵ - فن میقروبی جراحی |
| ۱۷ - دروس علم حیوانات طبیه | ۳۶ - حسین الجدری |
| ۱۸ - حفظ صحت شبان | ۳۷ - آداب الحمام |
| ۱۹ - کیکلرک امر تربیه سی | ۳۸ - امراض نسا |
| ۲۰ - حفظ صحت عسکری درسلى | ۳۹ - رهبر حقیقت |
| ۲۱ - مرآت البیت | ۴۰ - ذیمه کمال |
| ۲۲ - حفظ صحت متأهلین | ۴۱ - اختصار |
| ۲۳ - تاریخ طبیعی | ۴۲ - بر فاره نك سیاحتی |
| ۲۴ - تلخیص حیوانی اصول عملیه سی | ۴۳ - منتخبات حسین رمزی |
| ۲۵ - قدوز علی | ۴۴ - مسامره حسین رمزی |
| ۲۶ - فن ولاده | ۴۵ - درر اصداف |
| ۲۷ - ترقیات طبیه | ۴۶ - عائله حفظ الصحه سی |
| ۲۸ - طب نبوی | ۴۷ - قیزلره مخصوص حفظ الصحه |
| ۲۹ - اخلاق حمیده | ۴۸ - تدوی بالذکاء |

مرحوم حسین رمزی بک



۳۰ یاشنده ایکن

بیک ایکیوز سکسان دوت سنه سنده مأموریتله
ویانه نیک «رایخشتاده» قریه سنده بولدیفی
زمان اخذ ایتدیردیگی رسم

مرحوم حسین رمزی بک



۳۸ یاشنده ایکن

کوکالو اوله رق نیش فرقه عسکریه سنه التحاقنه
مساعده اولندیغی زمان اخذ ایتدیردیگی رسم

مرحوم حسین رمزی بک



۴۷ یاشنده ایکن

با اراده سنیة حضرت شهریارى قودوز عاتى
وتداویسی عملیاتی کورمک اوزره استاد شهیر
موسیو [پاستور] ک دارالعملیانه دوام
ایله یکی زمان اخذ ایتدیردیکی رسم

سعادت

یاخود

خیال

نورالدین رمزی بک :

۱

بهار عالم آرا . انفاس حیاتبخشی ؛ چایرله ، چمنلره
خواب مدید عدمدن و یاخود کابوس الیم غفلتدن قور.
تلمشده هنوز جهانی ادراکه باشلامش نودمیده لک انشراحى
صورتنده ، فدائلره ، آغاچلره طبیعتک بیرامنی تبریک
وتزین ایچون جاءة حضرا اکسایى حالنده ، بابللره ، قور
زیلره . قوربغلره آهنگ طبیعتک تصویر عظمتی ایچون
برر شاعر قدسیاک صفتنده تجلی ایتدیکی زمان روی
زمینک شرانبساط فوق العاده سنی تجیل مقصدیله کونشده
هرشاخ اشجاره ، هرصفیحة نباته ، هر فرد ذی حیاته خیاط
زرینیله علوی زیورلر بخش ایدیور ، وقت سحرده
اوراق نبات اوزرنده هنوز تبخرایده مین قطرات امطاره

تأثير ضباسيله ويرديكي تاب و فر نونهالانه الماسپاره لرله
مرصع اكليل مفخرت كيد بريور .

چارلرك ، چنلرك ، آغالرك ، پراقلرك ، قوزيلرك ،
قوشلرك ، ماحصل موجوداتك كنديلرينه مخصوص اولوب
غير محسوس دينه چك قدر لطيف اولمليله ارباب غفلتك حس
ايدمه ميه چكي آهنگك تسبيحه مؤذنگ «الله اكبر! ..» صدای
تكبيرينك امتزاجي جان قولاغيله استماعه موفق اولان
بركنج بختيارك حالنه نه دينور ؟ سعادت . . .

آه . . . شو فيوض نامتناهي صباح برآز دها دوام
ايتسه ، شو صداسي بك دلخراش اولان حزين سسلي
قوشك اوزاقدن كلن عكس ناله مدیدی منقطع اولسه . .
اوتور ! . .



موسم صيف . حرارت فائضه سي ؛ حبه بانه ، مزرعاته ،
حيواناته سخونت آغوش مادر كي اجراي تأثير ايدنيور .
طبيعت ساطعه سي ؛ قبه مينافام ، دجنوي برطاقم سخاپا .
ره لرله بردلر لاهوتينك لثام لطيفني آكديرر ايكن كال
پرتو مهرك رفع نقاب ايله عرض جمال ايدن فرشتگان
قدسي كي عوالمی بالا حاطه كائناتي نوره مستغرق ايتسنه
سببيت و بريور .

بهاره بکزه ين چوجقلر هنكام صيف كي دوره شبابه ،
آغوش مادر دن هنوز آريلان قوشچقلر پيش استقبال
حياته ، حاصلی موجودات ، مكنوز فطرتلری اولان قابليتي
اظهاره آتيله رق سمي متمايدده بولنيور .

هر ذره ده برآرزوی توحده ، هر پریشانده بر حس
اجتماع ، هر وجودده بر فعاليت مطلقه رونما اوليور . عجبا
صباحك الواح روحانيستي تماشا ايدن كنج ، بو حرارتدن
مستفيض اوليور می ؟ . .

شمسك درجه كالي ، وادينك جهات غريبنه دوشن
قواق ، سگود ، چنار آغالرينك اغصان رفيعه سني در آغوش
ايتسنندن حاصل اولان ظلال شبه نور آلتنده زانوزن
استراحت اولمش برقيون سوريسنك زمام اداره سني دست
عجزينه آلمش برچوبان ، النده كي [قوال] . احتساساتي
نقل ايلسكده ايكن بوغمت غير موزوني ايشيدن ، درت
چوجغيله برابر برچنارك آلتنده فرش بساط مسرت
ايدوب مكافات متاعيني زوجه سنك ، ياوريلرينك محبت
وفاكاريسنده بولان كنج دخی شوائب روزكاره مبهم
برسپر اولان چنار پراقلرينك آلتنده تشكيل ايدمه يلمش
اولديني شو كوچك آشيانه سعادتني كورر ، كنديني بك
بختيار عد ايلر ايدی . آنك ايچون نه بيوك سعادت . . .

آه . . . شو لوحه ذي حیات زائل اوليويده برمدت

پايدار اولسه ، چوبانك قوالسه رغماً شو اوزاقدن كان
حزين سسلى قوشك عكس ناله مدیدی منقطع اولسه .
اوتیور ! . .



وقت خزان. آثار مخربه سی ؛ طرز زیبای اشجاری
زینت اوراقدن تجرید ایتش ، چنلرك بوینی بوکمش ،
ذوی الحیاتك صدای انشراحنی کسمش .
نه درملرده قوربغه لرك آواز ، انبساطی ، نه دللرده
قوشچغزلرك الحان جانفزاسی ، نه سمانك رنگ کبود صافیدی ،
نه صولرك روحپرور اولان زمزمه جریانی ، نه قوزیلرك
مله سی ، نه چوبانك الهام حق کبی قابندن قویان ربطیز
نغمات صفوت آمیزی وار .

یالکز ، موسم بهارده زیور غصون اشجار اولوب
انظار ذوی الارواحی کندیسنه غیر اختیاری اوله رق
عطفه مجبور ایدن یشیل پیراقلرك شمعی پامال نسیان
اولان رنگ پڑمردکیسی حقیقی برمالدن خبر ویرمکده .
کونش ، کویا بتون یاز کائناتی افاضه مشغولایتندن
پورولمش کبی آرتق عرض چهره ابتسام ایتیور ، ترویج
جنانه خادم اولان نسیم عنبرین ، کویا برشیئه کوجنوبده
طور دافریبی طرز عتابه دوکن نازنینلر کبی هر نغماتی

صرصر جانسوزه تبدیل ایلور ، شدت انفعالنك آثار
برودتنی کوسترمك ایچون یازین غنچه لرك طراوتنی تزین
ایدن قطرات شبنم ، شمعی صفحه زمینده حال مختضر
کبی نجمد ترلر دوکیور .

اقامتگاهي اولان کاشانهك روزنه وسیعندن طول
امل قدر غیر محدود اولان فضایی تماشا ، برکونه مقیاسه
صیغمی قابل اوله میان حادثات ایام گذشته سنی تخطرله
تبدلات منتظمه طبیعت اولان نسبت فطریسنی نظر ایقان
ایله موازنه ایدن ، چمنزار حیثنده نشوونما بولان یاورو .
جقلرینك برر نهال متواضع کبی پیش وپسندده طولاشملرینه
خودکامانه باقان کنج ، شوانقلابخانه هستیده کندینی شایان
تبریک بولور ایدی . نه سعادت . . .

آه . . . شومنوال اوزره اولسون برآز دوام ایتسه ،
هله صرصر خزانك آغاج دالارینی ناله یه مجبور ایدن قوه
قاهره سی . میاننده صدای جانخراشی ینه ایشیدلمکده اولان
شوقر شک آواز ، بر طینی منقطع اولسه . . .
حالا اوتیور ! . .



ایام شتاء . تأثیر قاهرانه سی ؛ دالارینك اکامین کوشه .
سنه التجا ایتش اولان اوراق اشجاری لجانندن نزع

ایتمش، ثياب حياتدن معرا ایلدیکی هر نخل باسقی پوشیده
 برف ایله کفن بدوش اجساد جامدهیه دوندیرمش،
 نفحات قدسی آکدیران نغمات طیوری، دم سردیله عادتاً
 طوکدیرمش.

هاله لرینی زیب دوش افتخار ایدرک دور ایلدیجه نازان
 نازان خرا ن اولان برنازنین کي تبسمات مغرورانه سنی
 خاکیلره تنزلاًینه عطف ایلکده اولان مهر جهانتاب،
 برمدت صکره بالکلیه انظار حسرتدن نهان اولسیله روز
 روشن، همحال ظلام لحد اولمش، کویا طبیعت خواب
 استراحته وارمش! . .

اوجبوز اون ایکی سنه سی کانون اولک سگزنجی
 بازار کچه سی ایدی! کوک یوزی دازاً مدار برستره
 سیاهه بورومش، کویا اعصار مدیده دنبرو روی زمینه
 نظر انداز اولان قرق، کواکبک آرتق چراغ چشم
 بصیرتلی سونمش، شولیلله یلدانک ظلام کثیف صانکه
 استقبالک هر آن غیاهب مجهوله سنه آتلقدده اولان حیات
 ننی بشری آکدیرمقدده بولنمش ایدی.

قاسم پاشا سرحد بقاسنک یوکسک سرولری، ارباب
 غفلتی بارد خنده لرله استقبال ایدوب لوحه حقیقتی ارانه
 ایدن قیریقی، دوکوک، یوصون طومش مزار طاشلری
 آره سینده آره صره قوبان تندباد قیامتخون، برولوله

هول انکیز ایله اوکنه تصادف ایدن خس وخاشاک
 بربرینه قاتیور ایدی.

بو ایله ماتم نمانک حکمفرما اولدیغی زماندن برقاچ
 ساعت اول شوساحه فسیحک برقسمنی اشغال ایدن [ترابی]
 درگاه شریفی خطیره سنه، ایام بهاری، موسم صیفی،
 وقت خزان ادراک ایلین زواللی کنجی، اللی سکز سنه لک
 بربار حیاتک زبون ودرمانده سی اولدیغی حالده ودیمه خاک
 غفران ایتشلر ایدی.

اشته بو وجود عزیز، طبیب شهر و محترم میرآلای
 [حسین رمزی] بک مرحوم ایدی، که قدرت علمی و فنیه،
 کمالات خارقه فاضلانه سیله برچرق مأموریتلرده مادام الحیاة
 دولت و مملکتنه ایفای حسن خدمت، معلی بولندیغی متعدد
 مکاتب عالیده حلقه تدریسندن یوزلرجه تلامیذ یتشدر.
 مکه احراز موفقیت، حیات مسعوده سی ایامندن برآننک
 بیله اضاعه سنی تجویز ایتیوب کتبخانه عثمانیزه مطبوع و غیر
 مطبوع آلمشه قریب آثار جیده و نافع تحریر و انجافنه
 همت بیورمش نوادر روزکاردن برذات ستوده صفات
 ایدی.

صلابت دینی، علو جناب، فرط استقامت، ناموس
 و فضیلت، تواضع و عفت، صدق و مخالفت کبی هربری
 برذاته مدار فخر و مباهات اولان مکارم اخلاقی نفسنده

جمع ايله مدت حياتنده طريق رضای حقون ذره جه
انحراف ايلامش، حقیقه مغبوط اولان ترجمه حاليله
صورت ارتحالی، متروکات قلميه لينك برنجی جلدینی تشکیل
ایدن «خواجه خانم» نام اثر نفیسك دیباجه سنده مندرج
اولدینی اوزره حضور حضرت ذوالجلاله پك سلامتکارانه
رحلت ایتش اولان شو مخلوق مبارکك حالنه نه دیملی؟
سعادت . . .

افسوس!.. بویله برشب مظلمك ولوله سامعه خراشی
آره سنده حالا شو حزين سسلی قوشك عكس ناله
میدی: «خیال!.. خیال!..» کلمه ضعیفی قولاقلرده
طنین انداز ایدیور.
حالا اوتیور!..



حکمت تکوینی ادراک ایاین فکر سلیم
زیور و آلایش دنیایی بولمز مستقیم
عند خلافتده اولسهیدی اکر حیثیتی
پایدار ایلردی موجوداتی الله کریم

حاجتی اولسهیدی مہرک ذره پر نورینه
مغرب اخفایه چکمزدی خداوند علیم

تا بکی ای نفس چرك آلود میل معصیت
آرزوی زیب دنیا، خواهش چرخ لثیم
باق شو شمس غاربه، علوتی خاک اولمشه
روح عدن آراسنه برفاتحه اولمش ندیم
عمرینی اقبال واجلال وطن بیلش ایدی
فعلنه منہاج ایدی سر صراط مستقیم

حسن خلق اربابنه امثالی آز تمثال ایدی
کرر مه مشدی کیمسه مرآتنده بر شکل سقیم
رحله درسنده کام آلمشدی اولاد وطن
کیرمه مشدی مغزینه افکار شیطان رجیم
کور خلوص قلبی اول مظهر قدسیتمک
حالت نزعنده مجرع اولدی اخوان قدیم
طویلانوب بالجمله ارواح شهیدان یانسه
ایتدیلر اول روح عالیقدره تعظیم عظیم

اسم هو مذکور ایکن تسلیم موجود ایلدی
بویله روح اقدس اولزمی جنان ایچره مقیم
قصری اولدجه ریاض عدن اوروح اقدسك
آلنی اخوانی مسعود ایده حی الکرم
نور بهجت عصمت روحندن اولسون مستفیض
ساقی کوثر اکا ویرسون جوارنده ادیم

سویلدم شیدا کال حزن ایله تاریخی
اولسون اول ایمان ایله زیبایس عرش فخم

جسم و جانی مبدأندن اصلنه مرهون ایدی
اولدی رمزی واصل کازار جنات نیم

۱۳۱۵

۱۹ تشرین اول ۳۱۳ م. نوری شیدا



صاغدیج — بهر از دواج

مُقَدِّمَه

انسان، نعمت حیاته متعم، سعادت و اقباله متمتع
اولسنی، دنیاده بر عمر جاودانی سورمسنی ایسترسه،
اشندن آیرلما ملی، کو کر جینلر کی چفت یشاملیدر.
حتی «انسان جنتده بیله اشمنز یشایه مز.» دیر لر،
پك طوغریدر.

ابنای بشر اچون عالم تجر دده یشامق قابل
دکلدر. زیرا خلقتده آنک برده اشی واردر. نه
حاجت، طبعاً هر کسک یالکر یشامسی لازم کله ایدی،
حضرت خلاق کریم بزه قوه ناطقه بی احسان
ایدرمی ایدی؟ ..


دامن عفتی ناموس سزلقله لکه دارایتمک ایستیمیان
ارباب عصمت، اراده بالغه صمدانیه به توفیق حرکت
ایدر، کندینه اش بولور، اوله نور.

بکارلغی ترجیح ایدنلر، اداره عائله ده عجزی
اولانلر، هوسات غیر مشروعه سنه قاپیالانلردر.
انسان اوطه سنه کیرنجه، یاننده انوار عصمتله
شعشعه ملاحظتی تزین ایتیش بر زوجیه سی بولنمسیله
بیکلرجه کشی به عین محبت جعلیه یی کوسه ترمش
یبانجی برقاری بولنسی آره سنده کی فرقی کورمامک
قابلمیدر؟ ..

بونک ایچون ابنای بشر، ذکور وانات کفو-
لریله ازدواج ایتلی، بربرینک حقوق و حرمتی
محافظه به، حسن معاشرت اسبابی ادامه به صرف
مساعی ایتلی. بوده مقتضیات قانون طبیعت و مآثر
حسن خصلتدر.

واقعاً ارکک وجیهه عهده زوجیتی اولان
وظائفی ایفایه بورجیلندر، آنده تکاسل ایتاملیدر.

فقط بوکا مقابل زوجیه ده، زوجینک او وظائفی
بحق ایفا ایتسی ایچون اکا تمامیه مربوط بولنملی،
کندینه ترتبایدن وظائفی ایفادن کیرو طورماملی،
نظر شفقت و محبتی یالکز زوجیه معطوف اولمیدر.
بر عائله نک سعادت حالنک شو اساس متینه
مستند اولدیغنی بیلمک لازمدر. بو لزومی نظر
دقتده طوتان زوجین مسعود اولور.



قیز جغز، شاید واصل کوش تحسسی اولان
 بو ندای معنوی به قولاق آصماز، پدر و مادرینک
 بو بایده کی تشبثانه اطاعت ایتزده تجرد و بکارلاق
 عالمنده یشامق جهتی ترجیح ایدر ایسه، آزمان
 ایچننده بر غنجه کی ده-ا آچلمه دن کونا کون
 عوارض وجودیه دوچار اولور، عادتاً بنیه سی
 تغیر ایدر. بونی طبابت اثبات ایتمکده در.

هیئت اجتماعی بشریه ودها نیجه فوائد و منافع
 مادیه و معنویه، امر مسنون ازدواجله حصول بولور.
 کفوی اولان برارک آشیانه زوجیتنه دخول ایدن،
 عمری اولدجه کندیسنه رفاقت ایده جک اولان،
 زوجن-دن بقای محبتک دلائل مادیسی کورن،
 دست محبت تزوجله اوخشا-ندیغنی حس ایدن بر
 وجود، بشقه بر لطافت، بشقه بر طراوت کسب
 ایدر.

بوصورتله اکتساب زیور معنوی ایدن بر قیز،
 جداً یکپدا حیات بولمش کی بر تمثال حسنه اخلاق

ازدواجك مادی و معنوی تأثیراتی

بر قیز سن صباوت و تمیزی کچوب بیونجه،
 ازدواج چاغنه واصل اولور. او زمان بر ارککه
 محتاج اولدیغنی حس ایدر.

دائرة عفتده بیومش، حسن اخلاق اکتساب
 ایتمش بر خانم قیز، بو حس طبیعینک هر نه صورتله
 اولور ایسه اولسون آثارینی اظهاردن چکینیر،
 اوتانیر.

آنجق بو حس، آن بآن تزاید ایده جکندن،
 پرده حیایی اظفار هوایه چاک چاک ایتدیرمکدن
 ایسه، کفوینه تزویج ایله ناموسنی وقایه ایتک،
 ابویینک واجبه ذمتیدر.

و ادب اولور . آشيانه زوجيتك رئيسه سي اولوبده



خادم دين و دولت اولاد يتشدير مکه سعی ایدن بر والده، مظهر ستایش عالم اولور .

حفظ الصحة نقطه نظر نده اوليلك بکارلغه هر حالده مرجح اولوب بونی اثباته احتیاج یوق ایسه ده متاهل اولانلر ایله عالم تجر دده عمر کچورنلرک مقدار وفیاتی بیلدیرر بر جدولک احتیاطاً زیرده

تحریری مناسب کورلمشدر، که بوندن تاهلک دوام عمره مدار اولدینی نمایان اولور .

اولیلر قادین	ارکک	بکارلر		یوزده وقیات
		قادین	ارکک	
۴,۷	۱۵,۶	۲۶,۵	۴۳,۱	۲۰ دن ۳۰ یاشنه ندر
۱۶,۵	۷,۰	۲۴,۵	۲۷,۱	۳۰ » ۴۰ »
۲۲,۶	۲۹,۲	۱۹,۲	۱۵,۶	۴۵ » ۶۰ »
۲۲,۳	۲۲,۰	۱۳,۰	۸,۱	۶۰ » ۷۰ »
۲۲,۹	۱۹,۴	۱۱,۶	۴,۳	۷۰ » ۸۰ »
۹,۶	۷,۰	۴,۱	۱,۴	۸۰ » ۹۰ »
۱,۴	۰۰,۷	۰۰,۷	۰۰,۰	۹۰ » ۱۰۰ »

شو ایستانتستیق لایقیله مطالعه و تدقیق اولنور ایسه اولیلکک هر حالده بکارلغه مرجح اولدینی ا کلاشیلور، عمر بشرینک درجه غایه سنه وارانلرک اولیلر اولدینی تظاهر ایدر .

بو حالده ازدواج، حفظ حیات خادمیدر . امر شرع مستقیمین عبارت، موجب سعادت و سلامت اولان ازدواج انسانی کنجک هوا و هوسنه میلک نتایجی اولان نیجه حالات مذمومه

وحرکات مهلكه دن اسیر کر و بو وسیله پک چوق
امراض دن ده محافظه ایدر . بوکا بیمارخانه لر ایله
حبس خانه لرجه طوتیلان ایستاتستیکلر مندرجاتی
وسجلات طبیعه ده مسطور اولان معاینات و تدقیقات
نتایجی مدار اثباتدر .

جناب حی کریم ، بنی بشره احسان ایتمش
اولدینی قوای فوق العاده بی زمان کهولنده ،
شبابنده ، حتی دم صباوتنده اعمال مشروعه یه
صرفنی امر و فرمان بیورمش اولدینی آزاده ریب
وکان اولمغله بالخاصه کنجلك آواننده سائقه هوای
سودا ایله آنلری پیراتقی مسئولیت مادیه و معنویه بی
مستوجبدر .

ایشته نتیجه سی پشیمانلقدن عبارت اولان بو
کبی هوا پرستلکه اویمیوب وقتنده تأهل ایدن
کنجلر ، کرک کندولرینی اعراض کونا کوندن
و کرک حباله ازدواجلرینه آله جقلری مخدراتی
سرایت امراض دن محافظه ایتمش اولورلر ، که بونک

عندالله و عندالناس نه درجه مظهر اجر و قبول
اوله جنی آزاده قید و ایضا حدر .

میلان طبیعی یه التفات ایله خزینه موجودینی
بوش یره اسراف ایدنلرک نهایت تأهل ایتمش
اواسه لر بیله قوه باهیله لرنده کی رخاوت ولو سلم
صوک درجه پرهیزکار بولنانلرک دخی ضمننده موجود
بولنان امراض متنوعه بی اکتسابه مستعد بولندقلری
بدیهی اولوب بوبد بختلرک نائل سعادت اولملرینک
ایسه وقتنده تأهل ایتک سایه سننده حصول بوله جنی
بیک کره اثبات اولمش حقیقتلردندر .

ازدواج ، اشرف مخلوقات اولان نوع بنی
انسانن ذکور و انانک کنجلك هوا و هوسنه متفرع
اوهام و خیالات ذهنیه و عشقبازاق یولنده ارتکاب
ایده جکلری معاملات مجنونانه لرینی منع ایدر .

هله حسن معاشرت دائره سننده زوجیه بر قاج
سنه براسکده معمر اولان بر قادین ، تماماً حسن
اخلاقه متصف اولان و عهده سنه مترتب حقوق


زوجیتی شرع شریف احکامنه توفیقاً اجرا ایدن
ارککنک تربیه سیله محاسن اخلاقندن حصه مند
اولور، که بو شرع عالی فطرتک محسناتندن اولان
وقار و سکینت، کندوسنک هر زمان عائله قادینی
ویوک خام صفتلریله یاد و تعظیم ایدلمسنی مستوجب
بولنور.

۳

ازدواجک مالک و معینک تاثیراتی

[ذیل]

محرر اثر پدرم مرحوم حسین رمزی بکک
مشاهداتی دائماً قید ایلدیکی جزو دانی دروننده کی
اوراق متروکه میاننده کنج بر افندینک ازدواج
چاغنه ایریشدیکی حالدده سوق طبیعیدسنه قولاق
آصمیوب ایشی کوچی ایله مشغول اوله رق نهایت
دوچار اولدینی اوهم و خیالاتی مصور ۲۵
کانون اول ۳۰۸ نارینخی مکتوبی ایله زیرنده یازیلی
اولان مطالعه، بکارلنی انتخاب ایدنلرایله ازدواجک
عالمینده بولنانیره درس عبرت اوله جغندن، وبوفکره
ذاهب اولانلری صکره دن نره لره سوق ایده بیله -



جگنی افهام ایلیه جگنیدن و ذاتاً [صاغديجه] درج
اولنق اوزره محرر طرفندن حفظ ایدلمش ایدوکنندن
عیناً بورایه نقلی مناسب کورلدی .

نورالیه رهبری

{ ورقه نك صورتی }

« بیکیر ضعفه درمار اولدیغیم اناده کچیرمه
بولدیغیم حالانی برده آتی پیانه ابردم :

« خسته لنگ ایلک مقدماتی وجودده برقرغتلوق
ذهنده بر طور غتلوق اولوق اوزره باشلیوب فقط
قلیمده بر صیقینتی تولید ایتماسه ایدی .

« بالکیز قالدیغیم و باخورد کچه لری بالکیز
مردیوننده اینوب جیغریغیم اناده کویا بنی تعقیب
ایده بر مخلوق آخر طرفنده توقیف و محروم و نابید
ایده جگنشم کبی بر ضوف طاری اولقدیه ایدی .

آره صره کچه لری دخی رۇبارده لاپوسلر ایچنده
قالیوردم . کوردیلمک رۇبارك خوفنده قلمیم
لرزانه اولقدیه قوریلدی میوردی .

« ضعیفیتك کسب شرتیه بر وجه بالا عرصه
اولناه غایت دهشتلی رۇبارده بری باعث اولوب
مهالت نومده پیدار اولدیغیم وقت لاقه اعضای بدنم
لرزانه اولقدیه ایدی . بلحمده وجودیمك قسم
علیانه طوغری عمود فقری جانیمده شرتی اوریلمه لر
کلیموردی . اوریلمه لرك کترنی تحصیل ایدیه ضوف
و هر اسمك و فریتی هالب اولقدیه ایدی . بتاقدیه
یتامز اولدم اقالقدیم ! . برادر عاجزی بی اویاندردم .
قونسول اوزرنده بولناه آینه عطف ایدیه انظارمده
و بکزمك قایمسنده و الحاصل کنری کنرمده
قورقدیم . بر یاریم استراحت مقصدینه بناء قهودم
اوزرینه بلحمده به نملک قسم علیانه طوغری اولانه
اوریلمه لرك کسب نایبندیه و قلمجه مشاهد اولدیغیم

اور رويای دهشتناك الجا آنى نتیجه سی اولدور
طاری اولاره خوراك نوافرنده : «آماه! بنی بو
مال فداکت استمالده نخبی ابرك! . . .» دبو
فریاده باشدورم . خاطرمه خطور ایدنه شی
اطرافمده کویا جهنم ، بریلر لهجوم ایدیلورلرده
کی بر طاقم افکار واهیده واصل خوفمده آنلرده
عبارت ایدی .

«عقلم ، فکرم کالنده ایدی . کیمه لری
کوزیمه اصل اولدور کلیمزدی . باندیفتم وقت بر
وانکی کشینک متصلا قورقیده یوق برشی بولمیدیفتمده
بمته نسی اینملری لازمدی .

« قلممه اولاره خوف کینرکجه نزاب ایدرک
کدیلر ، کویکلمده و کوزلریمک کوردیکی استیاده ده
قورقمه باشدورم . بونلر کویا جهنك ، برینك ،
شیاطینك کوزه کورینانه و یاخورد او شکله کیرمه
قلممده بشفه برشی اولمیدیفتم ذاهب اولدوردم .

« والحاصل نظر دقتی انظاریمه عطف ایدنه
کسانك چتماندنه دفعی فریاده باشدوردم . اولدور
کنیریمی عملیهلرک تأثیرانیده برقاچ دفعه صیغرامده
خواب بیروشی به واریر ایدمه مده مزعج رؤیالرده
قورنیده مازدم ، قلممه حاصل اولاره صیقینتیرمه
بر محلمده آرام ایدمه میوب متصل کزردم .

« مویقی ایدله کزنتی او صیغ صیغ دوام
ایدنه اولدورمه نوبتلرینی بر درمیه قدر تعطیل ایدر
ایدی . »



شو ورقه نك صاحبنی ، مكتب ملكیه شاهانه نك
اوچنچی سنه سی شاگردانه علم حیوانات تدریس
ایلدیکمدن وفوق العاده ذکاوتندن ناشی دهها
اوراده ایکن طانیردم ، برقاچ سنه صکره بوشا کرد ،
برادريله برابر عملیاتخانه مه کلدی ، کوریشدك .
دردینی آچدی . علاج ترتیب ایلدم ، عودت

ایتهدی. آرهسی بر ماه کچیدی. بر کون یوله
راست کلام:

— نصلسکز؟ دیدم.

— ع-لاجلره دوام اییدیورم. لکن پدرم
هنوز طیشاریدن کلدی، سزی کورمک آرزو
ایدیور. زیرا پدرمک: «خسته لگی کیم تداوی
ایدیور؟» سؤالنه سزی سویلیدیکنده: «پک
کوزل او سزک خواجه کزدر. لکن پدری بنم
همشهریمدر؛ بو سبیدن کندوسنی کورر ایسه مدها
ایو اولور.» دیدی.

— پدریکز کیمدر؟ دیدم.

تعریف ایلدم. بیلدم. «بیورسونلر؛ کورو-
شلم.» دیدم.


بر کون آنکله ده کوروشدک، اوغلنک [سودا]
دینیلن علتیه کرفتار اولدیغنی و بوده عادت ردینه
— یعنی استمنا بالید — و افعال غیر طبیعیهدن
ایلرو کلدیکنی سویلدم. و:

— بوخسته لگک چارهسی اضاعه وقت ایتمیه رک
امر تزویجه سی بلیغ ایتمکله در.

دیدم. سوزمی حسن قبول ایتهدی، له الحمد
علت مذکورهدن تماماً قورتلمش اولدیغنی حالده
زیارتمه کلدی، کوریش-ک، چکدیکی اضطراری
یازوب کوندرمسنی رجا ایلدم. بالاده کی ورقه یی
کوندردی.

ایشته مطالعه سنندن مستبان اولیورکه عادات
متعیه کنجلی چوق بلالره اوغراتمقده در. بویله
بر بلانک وقوعنده چاره یکانه ازدواج امر مسنون
اولوب بشقه بر علاجی اولدیغنی اونوتماق و
[صاغدیجه] درج اولنق اوزره مذکور ورقه
حفظ اولندی. ۲۵ کانون اول ۳۰۸

حکم سر



اعتباراً حس مذکور اویاغنه باشلار، کنجلك
هنكامنه کنججه کسب کمال ايدر. او وقت سووب
سولمك حسیاتنه تبعیت مقتضی اولور.

اجزای مخلوقاندن بر جزؤ اولان بنی بشرک
وجودنده غلیان ایدن قان، نباتاتک زمان نشو
ونماسنده عصاره سنی وجوده کتورن نسغه بکزر!
بر چیچکک نسفی یمان اللره دوشه جک اولورایسه
رنک مالی صولار. برکنجده، قانی اضاعه ایدرسه
رهرو سمت عدم اولور.

انسان، ماهیه حیواندر. حکیممزرک بری
نه کوزل سویلمشدر، که انسانک حیوانیتی ییوب
ایچمکله، انسانیتی ایسه دوشونوب او قومقله در...
کمال شهوت، بهیمیتک ایجابندن بولندیغی ایچون
حیوانلرده [قیزمق!] علتی انساندهده اش اره مق
صورتنده تجلی ايدر. بوحالده بهیمیتی غالب اولان
انسان، وظیفه طبیعی سنی اجرا ایچون ایجاب ایدرسه
اک مقدس نقطه لرده تجاوز ایده بیلور! . . . بونی

عشق، ازدواج

محبت ازلیه آلهیه نک تعلقی خلقت عالمه وسیله
اولمشدر. بناء علیه سومک، سولمک تقدیرات
ازلیه جمله سندن اولدیغنه نظراً بویکی صفت محترمله
اتصاف بنی آدم ایچون ازلیدر. بونک قوه دن
فعله چیقمسی ایچون نه ذکور و نه ده انانده سنأ
بر حد تعیینی قابل اوله مز. فقط اکثریتله مبداء،
احتیاسات طبیعیه اولان بلوغ هنكامندن معتبردر.
هرنه قدر هر فرد، او چاغده کندوسنده
بویله بر حسک حصولی مدرک اوله مز ایسه ده
فرق ایدنلر دخی نادر دکدر. ایشته او مبدادن

نه قانون مدنيت ، نده عرف و عادت منع ايده
بيلمشدر ! . .

بز بو کتابي مجرد حيات مستعاريني قوانين
مقدسه شرعيه مربوط بيلان اخوان دينه يادگار
ايتديکمز جهتله ايشي او جهتدن محاکمه و مطالعين
کرامی دخی او نقطه منجيه دعوت ايديورز .

بعض ارباب حکم ، عشقي ايکي قسمه تقسيم
ايله برينه عشق صميمي ، ديکرينه عشق مجازي
ديرلر ايسه ده فنا بونک ايکيسي ده بر يوله چيقار !
دنياده ارباب فضل و هدادن وسايه الوهيتده نقطه
عشق و محبت تسليميتدن عبارت بيلوبده هرکاري
هضم غليان طبيعته موقوف قيلان ارواح معززه دن
بشقه بو صفتله متصف بر کسه يي بز شمدی به قدر
کورمدک ! . .

هرنه حال ايسه صده کله لم :

نه سعادت اول بختيار انسانه ، که عشق و محبت ،
واصل مرتبه کمال اولديني حالده وجدان پاکنه

قارشو ارتکاب جنايت ايتکي کندوسنه ياقيدشدير -
ميوب ازدواج فعل مشروعي استحصاله صرف
مقدرت ايدرك آراديني مساع شرعي داخنده
بولمغه موفق اوله بيلسون ! . .

نه بيوکلك او آدمه ، که حس طبيعيتک غلياني
نفس اماره يي ازمک کي بر فضيلتله تسکين ايدوب
سرمایه افتخاريني دوبالا ايلسون ! . .

حيف اول ارکک صفتي طاشيان نامرده ، که
غير مشروع بر طريقه ده آرزو ايلديکي مخدره
عصمتپوري باشدن چيقارمق و بووجهله نائل امل
اولمق هوسنه دوشسون ! . .

بو حالده ييقديني بنای عصمت ، عجبا بين الناس
يوزيني قيزارتمقدن ، حضور حقه الاري خون آود
جنايت اوله رق کيتمکدن بشقه کنديسنه بيلمديکمز
بر فضيلتمی بخش ايدر ؟ ! . . يوقسه افکار
عموميه ، قاتل متهوری عفو ايتديکي حالده مرتکب
جنايت عصمتي بيله ميز تعزيمي ايلر ؟ . .

مدار سعادتى هم امر مسنون شرعيه ده ،
هم ده قانون فطرتك امر لايتغيرنده بولمق ايستين
بركنجك برنجى وظيفه مشروعه سى قواى بهيميه نك
درجه كالى بولديغى زمان ، كمال ادب و عرفان كى
بر نقطه مرغوبه ي موقتاً بر جهته براقه رق
— چونكه ضمانتده حاصل اوله جق بليه لر آنى
اضمينه كفايت ايده ميه جكارندن — وجوب
تاھلى پدرلرينه آچلى ، اكر پدرلر دخى وجيبه
طبيعتى بيلن اصحاب ذكادن ايسه لر اولادلرينه بو
يولده رهبرلك ايلمليدرلر .

بونك عكس حالى پدرلر ك تشكيكه موفق
اولدقلرى آشيانه سعادتى ، سوء تدبيرلرى ايله
اولادلرينه بيقديررلر . صكره ده تكرار تاسيسه
موفق اوله مزلر ا بونك امثال عديده سى هر كون
كمال تاسفله كورلمكده ، اوزاق مملكتلردن دخى
ايشيدلمكده در .

واقعا قيز اولسون ، ارلك اولسون ناموسلى

بر عائله ايچنده پرورشياپ اولان بر كنج پكده او
قدر قولايقله درد درونى ابوينه دوكه من ا . .
لكن بو مسئله او قدر نازكدركه حسب الشباب لوحه
استقبالنده پيدا ايده چكى لكه لرى ، يا خود طريق
حياتنده ر قوعنى اولجه كشف ايده مديكى بليه لرى
تهوينه چاليشه جق دوستلرك اك يقينى بر چوجفك
آنجق ابوئى اولديغى جهته حسيات طبيعیه سنى ولى نعمتى
اولان پدرينه ، خاتم والده سنه هر حالده آچليدر .
زيرا آنلردن كوره چكى ، لطف و وفا ، ديكرلرندن
مع الاسف آكلایه جنى ايسه صورت مطلقه ده عنا
وجفادر .

تاھلك طول عمره مدار اولديغى عجباً اونوديله
بيلورمى ؟ چونكه تاھل فوائد وفيره سى سبيله
وجودى البته مستريح ايدر . امراض كونا كوندن
و خصوصيله زمانمزده حيفا اكثر بكارلره كسب
اختصاص ايلمش اولديغى كوريلان بر قاچ نوع
اسقام مسئوليه مهلكه دن وقايه ايلر .

بو گونه علل وامراضه دوچار اولوبده مجبوراً
آنلرک دفعهته مدار اولمق اوزره متنوع ادویه
استعمالیله اوقاتکذار اولمقده اولان و بو سببلرله
وجودینک قوای طبیعییه و طراوت اساسیه سنی قرین
محو و اندراس ایتمکده بولان بیچاره مجردلره آجینمز می؟
نعمت استراحتدن محروم اوله رق معناً حفریله
اشتغال ایتمکده اولدقلری قبره متأهللاردن اول
کیرمکده بولندقلرینی کوردکجه بوزوالیلرک هربری
[تناکخوا . . .] امر جلیله تابع اوله رق مزرعه
حیاتلرنده نیجه ازهار لطیفه وجوده کتورمک
استعدادیلرله برادلدقلرینی نظر امعانه آلان بر محب
بشر، جداً آغلامز می؟ . .

سعادت حیاتیلرینی رابطه ازدواجده بیلوب
اجرای امر مسنون نکاح ایله توحید حیات ایلیمش
و سروریلرله مسرور، دردیلرله دردناک اولمق اوزره
ایام عمر و حیاتلرنده بر یار صادق اوله رق پییدا
ایلدیکی وجود معززله برنکده امر ارزندکانی ایدوب

محصول حیاتلریله هیئت اجتماعیة بشریه نک و ثروت
عمومیته نک تکثیرینه موفق اولمش و بنابرین
[خیرالناس من ینفع الناس] سرینه مظهر بولمش
اولانلر معناً وماده وظیفه حیاتنی حسن ایفایتمش
زمره فحولدن صایامز می؟ . . .

اشبو امر ازدواجک فوائد و محسنات بی نهایته
سندن، عالم زوجیتک انسانه اهدا ایلدیکی کلدسته
سعادت و سلامتدن محروم استشمام اولانلر وارتباطک
لذت معنویه سندن بی خبر بولنانلر وار ایسه اوده
بکارلردر! . . .

شو تفصیلانله یوقاروده تأهلیک احتیاجات
نفسانییه بی دفع ایلدیکی کبی احتیاجات معنویه بی دخی
اصلاح ایدر دیدیکمزک معناسی تعین ایتمشدر .

« ازدواج ایله محبت زائل اولور، نار عشق
ازدواج ایله رهین انطفاء اولوب سوزر، بونک ایچون
تأهل لحد عشقدر! . . » دین اشخاص دقایق
ناشناسانک مسلککنه جنت مطبقه دیمکده انسان
مضطرب قالمز می؟ . .

تأهلك اخلاقه اولان تأثیر لطیفی نصل روای
 نسیان اوله بیلور، که کنجلك، و مجردك آواننده
 صرف سائقه بهیمیتله درلو درلو احوال و افعال
 عقلانایسندانه دوجار اولانلر هنوز دوره شبایده
 بولندقلری حالدّه جزای مادیلرینی اوکلز یاره لرله،
 وجدان عذابلریله چکمکده درلر!

بالعکس متأهللر ایسه عائله اعاشه سی امریله
 دائماً بر مقدس وظیفه نك ایفاسی ایچون کیجه،
 کوندوز چالش مقده، یورغونقلرینی زوجه لرینک،
 اولادلرینک ابتسام ممنونیتلریله ازاله ایلمکده درلر.
 [ایس للانسان الاما سعى] منطوق منیفنجه چالشمیان
 انسان، انسان دکلدرد. یابوسعی و غیرت اولاد و عیالک
 تهوین احتیاجنه مصروف اولیوبده بهوده یره کیدر
 ایسه عاملنک کیسه خذلانه اسفدن بشقه نه کیرر؟..
 ایام حیاتنده ناموس و فضیلتی ایله یشایوب هر کسک مظهر
 حرمتی اولمق، بعد الوفاة دخی عمر ثانینى اولادیلّه
 احیا ایتک قدر بختیارلق تصور اوانه بیلورمی؟..

بوعشق و ازدواج امر مهمی حکمای متقدمه
 و متأخره یی زیاده سیله دوشوندرومش بر مسئله
 اولدیغندن اطناب کلامه مجبوریت حاصل اولیور.
 بناءً علیه توضیح مرام ایلیه لم:

عشق انسانی بی شدت حرارت دمدن یعنی
 صرف مادی و طبیعی برشیدن عبارت ظن ایلمش لردر، که
 بونلرک ظن ایلدکلری عشقک نتیجه سی تسکین
 غلیان شهوتدن عبارت اولمغه بو آتش فی الحقیقه
 ازدواج ایله منطقی وزائل اولور. بزم بحث و درمیانه
 مبادرت ایلدیکمز عشقک مسکنی ایسه عصمت
 فطریه و ظرافت طبیعیه کی مآثر حسننه نك نقطه
 اجتماعی اولان حجله گاه زفافدر.

بو نقطه ده کی علوتی غلیظ الطبع، محروم اذعان،
 بیگانه اسرار طبیعیه اولانلر کشف و تیقن ایده مزلر.
 بنابرین بو کیفیت ارباب هدایتک، اصحاب صفوت
 و علویتک تقدیرینه براغلمش بر مسئله اولدیغندن
 معترضلرینه [من لم یدق لم یعرف] جوابندن بشقه
 کلام ملزم بولنه مز...

بومدعانی بر مثال ایله تصویر ایده لم :

مثلا : باغچوانك بر بقله حبه سنی آچدیغی یره
آتوب اوزرینی طوپراق ایله اورتدیگنی کوروپده
بونك حالنی سطحیجه مطالعه ایدنلر اوحبه نك
کوملدیگی طوپراق آلتنده تأثیر رضوبت کی کندویه
عارض اولان اسبابدن ناشی قباروب یاریله رق
پارچه لندیغنه و بقله حبه سنك حال وهیئت بیانه میه
جك صورتده محو و مندرس اولدیغنه حکم ایدر لر
چونكه بومطالعه نك نتیجه سی بو حکمی ایجاب ایدر
اما مدققانه دوشونیلور ایسه بقله حبه سنك شکل
وصورتی هر نقدر زیر تر ابده بوزولش کورینور
ایسه ده حقیقت حالده اوحبه نیجه نیجه بقله حبه لری
ویره جك بر فدان شکله کیرمش و یکی باشدن
حیات بولمشدر .

بناءً علیه ازدواج ، [لحد عشق] تعریف
تزییفکارانه سنه ماصدق اولمیوب شجره عشقك
یکیدن نشوونماسنه خدمت ایدن منبت و پاک برارض

جليل الفوائد ایدوکنه حکم اولنور . بومرتبه منافع
افزایه قدم زن موفقیت اولان ارککک فکرنده
اولان حیات عشق و محبت مرتبه علویه سنده ده
قالمیوب عادتاً پرستش منزله حضوع پیراسنه ارتقا
ایدر . بو حالده صاحب عشق اولان زوجك بیت
منیر قلبی تمثال عشق ایچون عادتاً بر معبد محترم
حاله تحول ایتش اولور . بعدازین عشق قلب
رجالده نشوونما بولدقجه بولور . تناقص و انطفاء
واندراس کی شائبه لردن اساساً مصون اولمغله اسرار
ابدیته قدر انتها ایلر . . .

ایشته شو دقایقی مدرک اولانلرجه ازدواج
فعل مشروعیله عشقك سونمیه جکی قضایای مسلمه
دندر . واقعا یکدیگرینه اظهار محبت ایدن ارکک
وقادینك احساسات عاشقانه لری بر مقصد خصوص
صیه مبتنی ایسه هوس دینیلن او حس عشق
ازدواج ایله در حال سوز .

مثلا : زنکین بر قیز آلق ، یاخود زنکین بر

آدمه صهریت پيدا ایتک ، بو جهته بر زوجه
ایدنمکه برابر اداره و اعاشه بیتیه غائله سندن ده قور تلمق
کی منفعته مستند بولنان محبت طاسلاخی طبیعی درکه
ازدواجله محو و زائل اولور .


چونکه سومک و سولمک هر ایکی طرفجه
تحقق ایتدکجه وجدیت و حقیقت درجه سنی بولمقدکجه
او صفات متقابله ایله اتصاف ممکن اوله مز و اوله
حساب ایله اوغراشان عادی کوکلرده عشق و محبت
دینیلن فیض علوی مکان طوته مز .

ارکک اولسون قادین اولسون سومکله کسب
تمیز ایتدکجه سولدیکنی حسه مقتدر اوله مز . زیرا
سولمک ، سونه عائد بر خصیصه در .



اقبلا السنکلا ازدواج مضمر

انسانک بدنی احوال تشریحیه و منافع الاعضا
نقطه نظرندن تدقیق ایدیلورسه موالید ثلته دن
مولد حیوانی ایله مناسبتدار اولدینی در حال کلاشیلیر .
بنابرین حیات بشریه بی اداره ایدن قاعده و قوانین
طبیعیه عمومیتله حیواناتی اداره ایدن قاعده و قوانین
طبیعیه اولدیغنه اشتباه ایدمز . موالید ثلته دن مولد
نباتی دخی بوقانون لایتغیر ایله اداره اولمقدده در .
دیمک ایسترزکه : انواع حیوانات و نباتاتک بقاسنه
خدمت ایدن قواعد کلیه به انسان دخی تابعدر .
مثلا : چفتجیلر محصول تجربه لری ایجابجه



برسنه اول اکوب بچدکاری ترلایه بوسنه عین تخمی
اکمزلر . ترلارینک اوسنه کی حاصلاتی هر نه ایسه
آنی الدن چیقاروب آلك یرینه بشقه تخم الهرق
آنی ذرع ایدرلر .

مولد حیوانی دخی بویله در . قرابتی اولان حیوانلری
بربرلریله چفتلشدیرمک ابو نتیجه ویرمز . ایشته
قوانین طبیعیہ نک هر حکمی انسانده دخی تماماً بو
وجهله جریان ایدر .

برکرده تاریخ بشره عطف نگاه اولنورسه
بومسئله نظردقتمزه اولانجه حقیقتیله لمعه پاش اولور .
شویله که :

مصر قدیم حکمدارلرندن [بتولومه] خاندانجه
اقربا آره سنده ازدواج ایتک عادتی حکمفرما اولدیغندن
مجرد بونک نتیجه مضره سی اولمق اوزره آزوقت
ظرفنده محو و منقرض اولدیلر . نهایت [قله اوباترا]
نامنده صاحبه حسن و جمال بر قیزدن بشقه اوسالالهدن
کیمسه قالمدی .

بوجهله دن اولمق اوزره تاریخ بشرینک صو -
کلرینه دخی اماله چشم امعان ایدر ایسه ک فرانسه
وانکلاترهدده بویولده بر چوق مثالار بولنور ، نیجه
نیجه سلاله لرك بویوزدن محو اولوب کیتمش اولدقلرینی
آ کلارز .

بو حالده اقربا آره سنده ازدواجک نسل بشری
احیایه وسیله یکانه اولدیغنده ذره قدر شبهه یوقدر .
بو قدر فغالغه اقربا بیننده ازدواجک نه ایچون
سبب اولدینی سؤال اولنورسه بوبابده سبب ، وراثت
مسئله سندندر ، دیو جواب ویریلور . چونکه
هر هانکی بر بلدهده اقربا آره سنده ازدواج رواج
بولمش ایسه اوبلده خراب اولمشدر .

ایشته صاغراق ، دلسزلک ، کورلاک ، بدلاق
کی انادن طوغمه حالار هپ اقربا ایله ازدواجک
ثمره مضره سیدر . ورم ، صره جه کی خسته لقلر
دخی وراثت ایله انتقال ایدر . چونکه اقربا آره سنده
بوعلتلار چابوق سرایت وانتشار ایتکده اولدینی

معاینات فنیه ایله مرتبه تحققه واصل اولمشدور .
شو حقیقته مطلع اولمیان قارئین کرام حضراتی
دیرلر که :

اقربا بیننده خسته‌لق وار ایسه بیان اولنان
احکام مقرون صحت اولور . چونکه بو خسته‌لق
اقربادن اقرباه وراثت طریقله فی الحقیقه سرعتله
انتقال ایدمیلور . لکن اقربادن ازدواج ایدن هر
ایکی فردک عائله‌لرنجه او گونه خسته‌لقردن سلامت
و حسن صحت و عافیت موجود اولدیغی تقدیرده
سرایت علل و امراض قابل اوله‌میه‌جتمدن بناء علیه
اقربا آره‌لرنده کی ازدواجک موجب فخر و ابتهاج
اوله‌جنی طبیعیدر .

بزده جواب اوله‌رق دیرز که :

مادام که خسته‌لق وار ایسه وراثه انتقال ایدرک
اونسلی افنا ایدم جکی سلمدر . صحت حالنده دخی
عین قان دکشمیوبده دوام ایدر ایسه بر مقتضای
قانون طبیعی قوت ضعفه مبدل اوله‌رق بناء علیه

نسللر ضعیف ، جسملرده نحیف اولور ، یواش
یواش برطاقم امراض بدنیه حصول بولور . آنک
ایچون سلسله‌سنگ بقاسنی آرزو ایدنلر ازدواج ایدم
جکلری وقت اوزاقدن قیز آلمغه و اوزاغه ارکک
ویرمکه اقدام اتملیدرلر .

هر حالده تأهل و ازدواج ایتک آرزو‌سنده
بولنانلر منسوب اولدیغی سلاله‌نک ادامه‌سی نیت
خالصه‌سنده بولنورلر ایسه اقربا و تعاققانندن قیز
آلمیوب کندی سلاله‌سنگ غیری نسل بناتیله ازدواج
ایلملیدرلر .



ڪردڪ

عالم مدنيته زينت بخش عمارات اولان ابنساي
 بشر اچون امر تزويج و تزوجك نه درجه حائز
 اهميت اولديغي ميدانده در .
 حيفا ، ڪورملڪده دركه امر مسنون مناڪاته
 رغبت ايدلماك بنى نوعمزدن ذكور و انائك واجبات
 تناسلى ترك ايتلرني و بوده هرايكي طرفه نفوسك
 تناقصنى وعائله تشكيلى كې روشناساز عيون مفخرت
 اولان بر امر مستحسنك ايفاسنه مظهر يتدن
 محروميتى موجب اوليور .
 ايسته شو نتايج وخيمه نك حدوشنه ، بوجهتله

عالم مدنيتي تخريبه سببيت ويرمامك نيت خالصه سيله
 بالازدواج طرفينجه عائله تشكيلى خدمت ايتلى
 و آندن صكره حسن معاشرت اسباب سعادت
 نصاينى استحصاله چالشمليدر . بوبابده بمصصورت
 پرستان كې مدار تزئين ظاهري اولان آلايش
 بهودهيه قاپلماملى ، هله هر قوم و ملت نژدنده
 منفور و محقر اولان لوٽ فحشياته اصلا ميل
 ايتمامليدر .

نه سعادتدر اول قاديننه كه قلب و خاطرينه
 عرض و ناموسيله يشامق آرزوى عصمتپورانه .
 سندن بشقه هيچ بركونه امل اوغرايموب بو
 سعادت جهاتقيمتله عائله سنك رئيسه سى اولمق شرفنى
 جداً محافظه ايلمش و بوحالده ثمره فوآدى اوله رق
 يتشد يردىكي قيزلريننه دخی كندوسى كې عفت
 واستقامت و عرض و ناموسنى محافظه تربيه سنى
 القا ايدوب حين بلوغنده كفوى اولان بر ارڪك
 ايله ازدواجى وسائلنك استكمالنه موفق اولور .

بو صورتله يتشمش اولان ناموسلى ، تربيهلى
برقيزى ايشيدن خانملر كورمكه و بلكه ده كوريجيلكه
كلوب اودخترنيك بختك هر حالى و خانه اداره سنجه
اولان معامله سنى كوزدن كچيردكن صكره حين
عودتده بكنندكلرى افاده و اياما ايدرلر . بوندن صكره
پدر و مادر و متعلقات سائر زوج حقنده تحقيقات
لازمه يى ايفايه بذل ما حصل مقدرت ايدرك قزاندقلى
معلومات يكي تشكيل اولاندجق عائله نك سعادت
و راحتى تأمينه كفايت درجه سنده اولور ايسه
طرفينجه سوز كسيله رك نامزد اولمق مسرتى تيسر
نماي حصول اولور .

ديانت اسلاميه ايله تنوير قلوب ايدن اشبو
ايكي نامزدك عقد و نكاحلى ايفا اولمش اولسه
دخى وليمه جمعيتلى صورت علنيه ده اجرا
اولندجقه زوجك حيله سيلاه كورشمكلى جائز
اولماق جمله معاملات حسنه اسلاميه دندر ، كه بونك
منافع عظيمه سى قابل انكار دكلدر . بالعكس معامله

سربستى اختيارينه مساعده ايدن اقوام آره سنده
موجب تأسف و ندامت بر طاقم افعال نا مشروع
وقوعه كلكه ايدوكى واصل صماخ تأسف اولمقده در .
عادت بلده جه عقدى متعاقب تدارك ايديله كن
جهاز نتمانك تداركى و كلين اوطه سى تفريشات
و تزيناتى خصوصاً صرينه باشلىلور ، كه بو اوطه يه
[كردك] دينلور . كردكى افراط درجه ده اختيار
مصارفله تزين و تفريش ايتك و بونى ده بابا و اناجه
دنيا مروتى عد ايلمك قدر عقاسزلق وارميدر
بيلاه نم ؟ ! ...

چونكه دوشونيلور ايسه بو مصارفانك كلين
ايچون فائده آتیه يى ضامن اوله ميه جنى و پدرى
ايچون ايسه ا كثر دينه گرفتار اولمق كى بر خسارى
مستلزم اولدغى بديهيدر . بناء عليه بو اوطه ساده جه
و شان پدره لايق صورته تفريش ايدلسه
و مفروشانك بر چوق قسملى كلين خانمك كندى
الى اثرى اولان شيلردن عبارت بولنوبده بك بياغى

بیله اولسه حقیقه مدار افتخار عد اولنه جفی
وارسته اشتباهدر.

۷

حَسَنِ امْتِزَاج

بروجه مشروح نائل سعادت تاهل اولمش اولان
قیز وارکک آره سننده بوندن صکره اک زیاده حصولی
آرزو اولنه جق ماده، حسن امتزاج قضیه مهمه سیدر.
چونکه طرفینجه خدانکرده حسن امتزاج حصول
بولمز ایسه عائله نك سعادت حالی تأسس ایده مز.
عائله تأسیس وتشکیلی ایسه جمعیت بشریه نك
حصول سعادت ایچون آتیلان ایلک خطوة متیعمنه در.
بوسعادت حالی استحصال ایچون حسن امتزاج
وسائل خیریه سنی استکماله بذل مقدرت ایدلملیدر.
مپانده امتزاج سزاق حصوله کتورمک قدر



دنياده فنا برشي يوقدر . حسن امتزاج سايه سنده
خانه رشك آور قصر جنت اولوب طرفينك عمر
و آمالني يكديكمره وقف ايدرجه سنده حقوقلرينه رعايت
ايتمسي كوكالرينه سرور كونا كون بخش ايده چكي
كي بالعكس امتزاج سزلق دخی عادتاً جهنم عذابنه
معادل اولق اوزره طرفيني گرفتار آلام و اكدار
ايدر .

بر خانه ده امتزاج سزلغه باشليجه سبب زوج
و زوجهنك بر برينه قارشو اجر اسيلاه مكلف اولدقلى
معاملات جهتنده تجويز قصور ايتمارى قضيه
نامشروع سيدر . مثلاً : زوج طرفندن كبر خشونت
كي اطوار نامرضيه كوستريلور ايسه بو حال امر مسنون
نكاحك استلزام ايلديكي توحيد حياتك جمله اركانه
ايراث خلل ايده چكي كي محبت زوجيه نك دخی
نشانه نقصاني اولديفنه دليل كورينه چك نه مبنى بويله
بر محبتك حيات لذت بخش اوله ميه جغنى تفكر له متأثر
اوله جق زوجيه دخی بالطبع مقابله ايتمهك يلمتور .

بالعكس زوج تواضع و نوازش كي اوضاع دلشكاري
كوستر ايسه زوجيه دخی ايجاب محبت قلبيه سي
اولان نقدينه نزاكت و لطافتى بذل ايدرك اكدساب
كالاي سعادته كنديسي مجبور كورر . بو حاله
آرتق بونلرك قوردقلى عائله اساسي رخنه دار
اوله ميه جق بر صورت متانت كسب ايدر ، كه بالاده
عرض ايلديكم وجهله جهتنده يشار كي مسعوديت
طرفين رهين استقرار اولور .

زوج ، كندى دارالامان ازدواجنه وقف جسم
وجان ايتمش اولان بر مخدره عصمت پرور ك كندى
حقنه دوام ترايد محبتى موجب اولق اوزره زوجيه
سندن بشقه سنده فكر ميلانده بولمز . زوجيه سي
دخی كنديسنه جداً متوجه اولان زوجنك صحت
محبتنه مقابله معامله مودتكارانه ي التزامله رجال
سائر ميه عطف نگاه آرزو ايتمز و طرفين بر برلرندن
دين مابين اسلاميتك امر ايلديكي وجهله حقوق
زوجيته تماميله مراعات ايدرلر . بو حاله بالطبع هر

ایکی طرف قلباً هوا پرستانه بر فکر نا مشروعه
 انهماک ایدهمیه رک تشکیل ایلدکلی آشیانه زوجیتده
 مسعودانه یشارلر. چونکه ارککک حدود شرعیه
 داخلنده نوازشکارانه حرکت ایللمسی قادینکده
 اودائرة مسعودیت باهره ده همحال زوج عفت اشمال
 اولمسی انتاج ایده جکی وارسته اشتباهدر. بر بر -
 لرینه قول وفعلده ایجاب مائر محبت اولمق اوزره
 ادب و ظرافت دائره سننده حرکتده بولندجقه آنلری
 کورن اولادلری دخی اوله جه ادیب اوله رق
 یتیشوب کسب کمال و عرفان ایلجه جکلری مستغنی
 کواهدر.

حسن امتزاجه لازم اولان شیلردن بری ده
 زوجک کندویه بروجه محرر محبت صحیحه قلبیه سی
 تحقق ایدن زوجه سندن آقچه سنی و وارداتی کیزلی
 طوتماقدر. زیرا زوجنک اقتدارینی بیلن زوجة
 محبت پیرا، زوجنه آغر آغر تکلیفاتده بولنیه جفی
 طبعیدر. لکن بویابده معلوماتی اولمیان زوجه،

زوجنک اقتدار مالیه سی بیهامیه رک زوجندن بعض
 شیلر طلب ایدر. زوجی ایسه طلب ایدیالان شیلری
 آلوب کتوره من. هله خشونت ایله طلب واقع
 جواب رد ویرر ایسه بو حرکت امتزاج سزلق
 مقدماتنک حدوشنه سبب اوله جفی طبعیدر.

حاصل کلام بر خانه ده زوج و زوجة میاننده
 حسن امتزاج حصولی، خانه نک ایشلرینی طرفین
 آره سننده تقسیم ایدرک زوجک خارجده زوجنک ده
 داخلده جاری اولان خصوصی درعه ده ایتلرینک
 ارتباط قوام عائله یه بیوک تأثیری اوله جفی شبهه سزدر.



مُحَافَظَةُ زَوْجِيَّةٍ

ازدواج وقوع بواجبه معامله زوجیه بی ده
فراموش ایتما می. بوجهت اک زیاده جای دقتدر.
زیرا محافظه حیات و صحت اسباب بدن صابایر.
زوجیه سی حائضه اولدینی وقت زوجک آکا
مقارنت ایتمی ایکی طرفجه ده مورث ضرردر. حائضه
اولان قادیته غضب و خندت، خوف و خشیت کی انفعالات
نفسانیه نك نه درجه تأثیر ایلدیکی ارباب فن طبعه
معلومدر. حتی بعض کره آققده اولان قانک بردن
بره کسیلیورمسی و بعضا دخ سیلان دم حاله انقلاب
ایدیورمسی شو بیان ایلدیکم تأثیرات جمله سندندر.

دم حیض مطرداً جریان ایدر ایسه قادینک
صحت و عافیتی برکال اولدیغنه دلالت ایدر. چونکه
صحتی مختل اولان قادین مطرداً عادتتی کوره من.
بونک عکسی اوله رق خسته بر قادینده وقتسر دم
حیضک کادیکی دخی مشهود اولیورکه بوده خسته لغک
ایجابانندندر.

بودم حیض، بدن انسانینک سائر محالرنندن
چیقان قاه بکزه من. مثلاً برینک برونی قابسه،
الی کسیلوبده قان آقسه ضرردر. فقط برخانک
عادتتی زمانی کانیجه بهمه حال بو قان آقایدنر، آقزسه
ضرر ایراث ایدر.

بو قان مجرای بول و مهبلدن خارجسه آتلمق
ایستنیلوبده تضیق اولندیغنی حالدیه آتیله من. اوزون
اوزادی یه محالنده تراکم ایدوب قالور، بو حالدیه معامله
ایدیلورسه بو گونه قان، خشقه رجالک غشای
محاطی رقیقه سنه و مجرای بول رجالک غشاسنه پک
زیاده تأثیر ایدر.

شدتلی انفعالات نفسانیه و یا خود مادی و معنوی
زیاده وجع و الم سببیه و وقوعه کلمش اولان برهیجان
شدیده عصبیه و دوشمش بر طائضیه معامله ایدلمکدن
حاصل اوله جق چوجق ، بعینه والدوسی کبی یأس
و نومیدی ، حزن و ماتم استعدادیله تولد ایلر .

طرفیندن بریسی شدتلی سرخوش بولندیغی
و قتده کی معامله دن نشأت ایدن ثمره اجتماع دخی
آنادن طوغمه بدلالره مماثل بدلا اولق وضعیف
و قوتسز بولمق کبی تأسف اولنه جق برحاله دوچار
اولدیغی کورلمشدر .

طوغه جق چوجقک احسن تقویم اوزره
پذیرای وجود اولمسی اقصای آمال اولدیغی تقدیرده
اجرای معامله زوجیه ایچون بهمه حال طرفینک
اشتهاء بال و استراحت حال ایله مشحون اولمسی ،
همده غایت تنها و ممکن مرتبه نظیف و فنافوقولردن
معرا و کوراتی و قورقو کی خلیجان درونه سبب اوله بیلور
شیلردن محفوظ بر محل اجتماع اختیار ایدلمسی
مقتضیدر .

بو وجوب قطعینک عین اصابت و محض صواب
اولدیغی حقه حکمای متقدمه و متأخره متحدالرأی
اولدقلرندن فضله حکمای مشارالیهم یتاق او طه لرنده
و حق یتاقلری قربنده مقتدر استادلر الندن چیقمش
فوق العاده نفیس تابلور بولندرمی دخی توصیه
ایلمشلردر . چونکه او کونه کوزل رسملر بولندرمق ،
بعض حالات معنویه و اخلاقیه بیوک تأثیر کوسترمکله
عشق و محبت حاصلاتی اولان چوجقلرک غایت عاقل
و ذکی و صاحب حسن و آن اوله رق طوغمسنه
مدار عظیم اوله جغنده شبهه یوقدر .

بالاده محرر اولدیغی اوزره توصیه ایلدیکمز
خصوصاً صاهره توفیق حرکت ایدنلرک چوجقلری
حقیقه صاغلام و قابلیت فوق العاده ایله تولد ایده .
جکلرندن بونلرک هنکام صباوتی و زمان عنفوان
شبابی دخی حسن صورتله تربیه اولنه جق اولور
ایسه سن و قو فلرنده حائز کمال اوله رق فائق الاقران
اوله جقلرنده تردد ایدیله من . . .

بعض دانشمندان خفایای طبیعت :

« هر نه قدر و صایای طبیه و تجارب متعدده نتیجه سی اولان احوال محرره داخلنده حرکت ایدیلوبده طوغان چوجق، صاحب حسن و آن ومستعد کسب کمال اولمش اولسه بیه آندن تولد ایده جک اطفالک صفحه تجلیانندن ایلک چوجغک پرتو استعدادی، نور صباحی منجلی اوله مز . »
دیرلر ! . .

بوسوزلرینده :

« زیرا زوجین آره سنده پرورش یاب حصول اولان عشق و محبتک ایلک اثر کمالی برنجی مولد اوزرنده حقیله وجود پذیر، صکره لری ایسه عشقک زوالی و معامله زوجیه نک بر اعتیاد طبیعی حکمی آلمسی حسبیه اولاد و سائر نک ده بویه بر عادی معامله محصولی اوله جقاری طبعیدر ! . . » جمله عجیبه سنه اسناد ایله اثبات ایتک ایسترلر .

فقط بوفکر، بر حکمت حقیقه و بر قاعده

سالمه دکلدرد. ارباب علم و عرفانک رغناملو ملریدر، که بر حکمتک قطعی، بر قاعده نک سلامتی هیچ بر صورتله رد و جرحی قابل اوله مامسیله ثابت اولور .
حالبو که نادر اولدینی اوزره ایکنجی، او چنجی، حتی بعضاً بشنجی اولادده کوریان آنا فیض ذکا، تناسب اعضا، کمال و بهجت ایلک اولادده ذره قدر بولندینی حالده بالعکس چیرکین، حافظه سی ضعیف، اندامی چلیمسز دخی اوله بیلور.

عشق و محبتک - اگر حقیقی ایسه - زوال ناپذیر اولدینی، بالعکس زمان کچد کجه زوجین آره سنده دها زیاده کسب قوت ایده جکی مبرهن اولدینی کی بویه مسعودیت کامله به مظهر اولمش فاملیالر دخی چوق شکر، اندر دکلدرد .

برازده معامله زوجیه نک نتایج مطلوبه سی حقنده خلقت عالمده جاری اولار قانون طبیعتک مندر جاتندن بولمان بر ماده مخصوصه دن بحث ایدلم :

قانون طبیعتده بر ماده وراثت واردرد. بوده هر

كشينك خصايص طبيعیه سنك اولادنده دخي ظهور
ایتمسندن عبارتدر. اولادینك كوجلی، قوتلی، ایی،
كوزل اولمسنی آرزو ایدنر بنیه و مزاجلرینه كوره
تصاب عرق قاعده سنه دقت ایتملیدرلر .

حسن و آن، بنیه و مزاج، فطانت و رزانت ،
طول عمر ، تشکلات حسنه بالورائه اولاده انتقال
ایندیکی کبی احوال مرضیه . علل واسقام دخي
اولاده پدرلرندن منتقل اولور . بوقاعده کلیه بعض
دفعه زوج و زوجیه قوی و متین اولدقلری حالده
اولادلرینك ضعیف و نحیف اولدقلرینك مشاهده
اولمسیله قابل انکار و اعتراض اوله مز . چونکه ایکی
طرف وجودجه صاغلام، فکرجه متین اولدقلرینه
نظراً اولادلرینه شو ایکی موهبه مخصوصه انتقال
ایتمك لازم کلور ایکن ایده مامسی معامله زوجیه
هنکامنده اسباب عادیهدن اولان بعض وظائفك
اجرا اولنه مامسندن و او وظائف حسب العاده خلق
بیوریه حق قوت و متانت ارثیه نك عکس خلقتنه
سبب اولمسندن نشأت ایدر .

رجالك افرازاات مولده سی رحم مادرده پذیرای
وجود اوله بیله جکندن معامله کبی بر آن سریع
الجرایانده غایت مدققانه و متیقظانه طـورائملیدر، که
تولد ایده جك یاور و جقده اوصاف مطلوبه به بدل
عکسینك ظهوری کورلمیه ! . .

طرفین ضعیف و یورغون بر حالده ایکن اجرای
معامله به قیام ایدرلر ایسه حاصلات مواصلتلی
وجودی مطلوب اولمیان ضعیف ایله پذیرای ظهور
اولور. برده معامله نك افراط اوزره اجرایی
اعضای تناسلیه نك یورغونلغنه سبب اولورکه اووقت
دخی حاصلات طبیعیه نك ضعیف اوله رق وجوده
کله جکی امر آشکاردر .

اوروپا اطباسنك جمله روایاتندندرکه :

فرانسه قرالی مشهور اون دردنجی [لوتی]
بر کون طیب خصوصیتی اولان دو قوتوردن
مستفرشه لرینك كوجلی و قوتلی چو جوقلر تواید
ایده کلدکلری حالده زوجیه سنك ضعیف چو جق

طوغورمقده اولديغنىك سېنى استفسار ايلمش ؛
دوقتورده :

— افندم؛ زوجة محترمه كزه مایه توليدك بك
طورتوسنى احسان بيورييورسكزده اوده سزه او
طورتولى مایه نك محصوانى ويرييور...
ديه جواب ویرمشر .

بو سېدن طولايى معامله زماتى لايقيه تعيين
ايلمك اقتضا ايدر . سرخوشلق، غضب، آلام
شدیده، مسامرات، تيارو، تأثيرات عظيمه، مدید
صورتده اعمال مفكره دن حاصل اولمى طييعى
بولنان بر طاقم يورغونلقلر عقبنده اجراى معامله يه
رغبت ايتامليدر .

زوجه نك حسب البشرىه بر شيدن طولايى
كوجنوب الم عصبي ايله مصاب اولمش اولديغنى
وياخود دم حيض دوكمكده بولنديغنى زمانلرده زنه ار
شهونك فوق العاده غليان ايتمش اولمى اجباريله
حالات مذكوره نك تأثيرات مهمه سنى اونوده ورق

معامله اجراسنه دعوت ايتمكدن بغايت احتراز
ايدمليدر .

معاذالله بالعكس اجرايه جرات ايديلور، تصادفى
اوله ورق فعل تلقيح دخى اثر نماى وجود اولورايسه
بوندن ظهورايدده جك ولد، اخلاق رديئه ايله متصف اولور .
شوراسنى دخى ابو بيامليدر، كه فعل تناسل
يالكر بر عمل باهيدن عبارت اوليوب بلكه عاقبتى
بعدهما ذكر اولنه جنى وجهله نجه منافى جامع
اوله جفنه ، خصوصيله بو عملك تأثيراتى حاصل
اوله جق ثمره ده مشاهدده ايديله جكنه نظراً بونك
غايت مهم بروظيفه مبعجله اولديغنى، بناء عليه ايشك
قواعد مرعيه و اصول وفروع شرعيه سنى بيله رك
او صورتله اجرايه مباشرت ايتمك اقتضا ايتديكى
نظر دقتدن اصلاً اوزاق طوتلما مليدر .

هله نظافت و طهارت موضعيه نك بوبابده فوق
العاده تأثير عظيمى اولديغنى اصلاً اونو تيموب مقتضاي
نظافتى هر آن اجرا ايتمليدر .

قادين قسمی اجرای معامله مشروعه-دن
صكره يازين صغوق، قيشين ايليق صوايله بولبول
ييقانغلي، و غسل كي اجراسي مقتضای امر الهی
اولوب وجودجه نجه فوائدی مستلزم بوانسان
وظائف بحق اجرا ايلمليدر.

قادينلر، عطريات مقوله سندن بر طاقم شيلري
اعضای تناسليه لرینه قطعياً طوقوندر مامليدر.

زيرا بو مقوله عطرياتك محتوی اولديغی مواد
مخرشه، اعضای تناسليه نك غشاء مخاطيسنی تخریش
ايدرك بر نوع قرحه حصونه باعث اولوركه بوده
او عضوك بر طاقم عوارض امراضیه دوچار اولمسنه
سببیت ویرمش اولور.

اعضای تناسليه سنی امراض متعرضه دن سالم
اولق اوزره استعمال ايتمك استينلر معامله زوجيه نك
افراطندن، ارتكاب فواحش نامشروعه دن، استمناء
باليد كي بر طاقم اعمال مكروهه نك اختيارندن
توقی واجتناب ايلمليدر.

بر اركك تاهله قدر اوزون مدت امساك
و حبس شهوت ايدرك بالاخره افراط اوزره معامله
ایفاسنه قیام ایدرایسه بو حرکتنك نتیجه سی اوله رق
وجودنده بك آز مدت ایچنده عدم اقتدار آثار
وخامت انجامنی مشاهده ایدر. ایشته بو سبیدن
ناشی حفظ الصحه نقطه نظرندن معامله مذکوره بی
تحديد ايتمك مقصد سلامت بخشاسيله شو جدولی
تحریره احتیاج کورلدی :

۲۰ دن ۳۰ یاشنه قدر هفته ده ايکدن درده قدر [۱]

۳۰ » ۴۰ » » » ايکی دفعه

۴۰ » ۵۰ » » » بر »

۵۰ » ۶۰ » » » اون بش کونده بر دفعه

معامله اجرا ایدلمسی موافق حفظ صحته.

شو اصول ارككلر ایچون لازم اولديغی كي
قادينلره دخی الزمدر. معامله مذکوره ده افراط
کرچه قادينلرده ارككلرده کی درجه ده وخیم

[۱] بر کون اجرا بر کون ترك ايتمك شرطيله

تأثيراتی و هاله ابراز ایتمز ایسه ده بالا خره تهيجات
عصيه، سرطان رحمی کبی عذل مهلاکه نك پنجه سنه
گرفتار اولمارینی تسهیل ایدر.

بعد الطعام دخی معامله مذکوریه قیام ایدلما
ملیدر. زیرا معده حال امتلاده بولمسندن و اثنای
معامله ده فعل هضمك تعطیل ایدلمش اولمسندن
ناشی بمضاً بوکالمغه، بمضاده سکتته دماغی حصوله
باعث اولور.

آلت تناسل کندولکندن انتعاظ ایتدکجه
وقوای طبیعییه بالذات هیجان کامانی کوسترمدکجه
معامله مذکوریهی اجرا داعی عال واسقام اولور.
قوة باهییهی تزید ایتمك سوداسیله برطاقم مؤثر و
منبه ادویه دخی مراجعت ایدلما ملیدر. بونك بالتجربه
ثابت اولان مضرته دوچار اولمقدن ایسه طبیعته
توفیقاً معاملات مذکوریهی متعدلانه اجرا ایدرك
بك چوق زمانلر استفاده ایلماك هر صورتله
محسنانی موجبدر.

ایکی شیدن دخی احتراز واجبدر، که بری
قانی قیزدیرجی مأ کولات و مشروبات استعمالی،
دیگری ده انسانه ضعف کتورجی اکشی شیر
تناولیه مألوفیتدر. شو ایکی جنس و بربرینه ضد
مشروبات و مأ کولاتك قوة باهییه بك فنا تأثیری
اولدینی ثابتدر.

علت صدریه ایله مصاب اولانلر بقدر الامکان
تلذذ شهوات باهییه دن توقی ایتملیدرلر. حالبوکه علت
صدریهیه دوچار اولانلر فوق العاده حریص شهوت
اولورلر ایسه ده آنلره معاملات باهییه اول قدر
مضرهت ویرر که بوراده شرحی موجب صداعدر.
كرك اركك، كرك قادین اولسون کندولرنده
علت صدریه استعدادی بولندینی اطبا طرفندن
بیان اولندینی وقت حریص اولدقلری معامله
مذکورده دن درحال چکنمیلیدرلر. زیرا مستعد
اولدقلری عللك بر ان اول ظهور ایدرك یقین
وقتده ایلرولمسنه سببیت ویرمش اولورلر.

زوج-ده علامت حمل ظهور ایلدیکی وقتک
ایلك ایکی و حملک وضعنه قریب اولان صوک ایکی
آینده دخی معامله زوجیه دن احتراز ایدوب
پرهیز ایتک لازمدر. ایلك ایکی آیده رحم مادرده
یتشمکده اولان نوزاد یعنی رشیمک حقیله نشو
ونماسنه معاملات عاشقانهک ضرری اولدینی کی
سقطلق وقوعنده بادی اولسی ملحوظدر. صوک
کونلرده ایسه سوکیلی زوجیه سنک معاملات مذکو-
ره دن فوق الحد راحتسز اوله جفی وارسته کلفه
بیاندر.



عَدَمِ اقْتِدَارِ

اقتدار نه در؟ اقتدار، برشیی الده ایتمه قدرتی
اولق، تعبیر دیگرله او شیئی آرزوسی وجهله
استعماله کوچی یتمکدر. شوبخته کوره عدم اقتدار
دیمک دائمی و موقت اوله رق معامله یه قدر تیاب
اوله مامق دیمکدر.

عدم اقتدار، قادینلردن زیاده ارککلرده حکم
سورر. چونکه طائفه نسا ده مجرای مهبل مسدود
اولدقچه هر زمان معامله مذکوره بی اجرا استعدادی
موجوددر.

ارککه کلنجه، آلت تناسل حرکت ایتدکجه

معامله مذکورہ نك اجراسی مستحيل الامكاندر .
چونكه عدم حرکت مانع دخوله . بومانعیت آلات
تناسل حالت یقظه ده بولمسیله رفع اولانه مز .
البته حرکت طبیعی لازمدر . شاید ارککده آلات تناسل
مفقود ایسه برنك علاجی اوله مز . اعضای تناسل
موجود اولوبده قوللانیله مامق درجه سینه دوشمش
ایسه او زمان چاره سی بولمسیله . بو حالت
اخیره ده دخی عدم اقتدار دینیلور ایسه ده موقتدر .
عدم اقتدار موقت : امساك دائمی ، افراط
اوزره صرفیات ، متمادی اشتغالات فکریه ، قوه
خیالیه نك شدتلی عشق ایله انبساط عظیمی کی نیجه
اسبابدن حاصل اولور .

بر چوق آدمی واردرکه ، ایله زفافی بکار ،
دوشونه دوشونه سونجندن وعشقی ینه مدیکندن
عادتا بر چیلغین اولور . شب زفاف کلوبده مرآت
خیالی عشق و محبتیله شغال ایلمش اولدیفی محبوبه
دلاراسنه نائل اولنجه شدت سرورله کاغچه آمالی

استشمامه موفق اوله مز . خجالتندن پریشانی
شعوره گرفتار اولور ، عادتا آلیقلا شور قالور .
ایشته او زمان فلاکتک بیوکی باشلار . عدم
اقتدار دیدیکمز بلای مبرم تأثیر جانکدازینی کوستریر .
بناءً علیه سریر زفافک زینت یاب لذت حیاتییه
اولمسی ایچون ارکک قوتنه اعتمادیله برابر ذهنی
تأثیر افراط محبتله وهوس مجنونانه ایله طاغتمیه رق
صبر و سکونتده بولمسی و زوجه سنك دخی لطف
و مساعدت و فیره سیله روشنائش چشم ابتهاجی
اولمسی لازمدر .

امار ککده صورت مفرطه ده حجاب ، قادینده
دخی یورغللق و بر درجه عدم مساعدت و امتناع ده
حصوله کلور ایسه زفافدن مقصود اولان نتیجه
حسنة حصول پذیر اوله ماز .

حجله زفافده متهی فک مهر ابتکار اولان ارکک
قارشو مائر دلنوازی ابرازینه تربیه مجبور اولان
زوجه با کره بالعکس برطور استهزا کارانه ده اظهار

آثار استئصال ایدہ جک اولور ایسه بچاره زوجنی حرکتدن بسبتون دورایتمکه سبب اولور. بو حالده حاصل اولان خوف حجابی، ارکی قادیندن تبعید ایلر.

بناءً علیه قادین قسمنه بو یولده معاملده بولمق محبة و طبیعة یا قشمر. چونکه نکاحله توحید حیات ایتمه رغبت ایلدیکی ارکی تشکیل ایدہ. جکلری آشیانه محبتدن قاجیرر. فضله اوله رق بو زوالی ارکی احتیاجنی دفع ایچون بشقه لرینه مراجعت ایتمه مجبور ایدر، که معاذالله بلیه عدم امتزاج ایشته بو نقطه دن بدأ ایله نیجه فلاکتلر حدوتنه سبب اولور.

عدم اقتدار، لیلہ زفافده مشهود انظاری اولان محاک عدم طهارتندن ده حاصل اوله بیلور؛ آنک ایچون باکره زفافدن اقدم لوازم طهارت و نظافتی لایقيله ایفا ایدرک ملاقاته حاضر بولمایدیر. ارکک وقت اولورکه بویله طهارت و نظافت

الترامنده بولمیان بر قادیندن نفرت ایدرک فیما بعد او قادین ایله امتزاج ایدہ بیلیمی ممکن اوله من. صرفیات منویه دن نشأت ایدن عدم اقتدار، ضعف نتیجه سی اولمقدن بشقه بر شی دکلدر. بو حالده اعضای تناسلیه نك هیچ قوتی قالمز. ایشته [استمنابالید] فعل مکروه نه مبتلا اولان ارککلر و [الطاف] ایله دفع شهوت ایتمکی مادت ایدن قادینلر، نهایت بو حال وخامت اشتماله دوچار اولورلر.



عدم اقتدارک صورت تداو یسی

حجالت و حیادن، خوف و خشیتدن، استکراه و نفرتدن، و بر نوع ضعف خیالدن، بعض اعتقادات باطله و خرافاتدن نشأت ایتش اولان عدم اقتدار، اخلاقه و احوال قلبیه جه تدای ایدیلنجه مندفع اولور، بونلرک سبب اولدیغی حال چابوق کچر. اما عدم اقتدار، شدت اشتیاقدن و فعالیت

عصبیه نك دماغه شدت ارتكازندن نشأت ایتمش
ایسه بر مقدار سیاحت ایتك صورتیله فکرو قلبده
سکون و راحتك استقرارینه خدمت ایلماك، وجودی
متاعب سفریه و سائر ايله یورغون دوشورماك،
بیه جکفی لطیف الطعمیه حصر ایتك، یومشادیجی
وسکونت و یریحی مشروبات آلمق کي تدابیر
تشبثله بسبتون عاداتی تبدیل ایلماك اقتضا ایدر.
شدت اشتیاق ايله سومش اولدیغی محبوبه سندن
بر مدتجك اوزاقچه بولمق ایچون اختیار ایدیان
سیاحتك، بو بابده کی وسائل تداوینك برنجیسی
اولدیغی اونوتما لیدر.

عدم اقتدار، اعضای تناسلك رخاوت و عدم
قوتندن ایلروكلش ایسه زاویه کزین نوم عمیق
اولان آلت تناسلی کباب، کواباصدی، کئه [*]
پاچه بورکی کي غایت قوتلی و بسلیجی اغدییه
مراجعت ایدرك اویاندرمغه اهما ایدم لیدر.

[*] عربستانده چیقار برنوع منظار.

ریاضات بدنیه دن حیوانه سوار اولوب کزملی،
کيك وقوش کي اولرك صیادلغی التزام ايله وجودی
یورملیدر. صو ايله دوش یامق، دلك ایتك، بلنی
وبوکورلرینی، طوزلی صو ايله وقالچه لرینك ایچ
طرفلرینی و آلت تناسلی صغوق صو ايله بیقامق
کي تدابیر اجرا سنده تکاسل ایتما لیدر.

عدم اقتداره قارشو صوك و قتلرده الکتریک
دخی قوللانمش ایسه ده فقط حقیله استفاده
اولنه مامشدر. وجودی قامچی ايله دوکك، جلدی
ایصرغان اوتی ايله دلك ایتك اصولاری دخی
نافعدر.



۱- امشاق (قامچیلامق)

امشاق، اسکی زمانلردن برو اعاده اقتدار
ایچون اجرا اولنور بر اصولدر. روسیه ده قبول
اولمش اولان بواصولك دیگر محملرده ایفا اولنانلر-
دن دهها زیاده سریع التأثير اولدیغی لدی التجربه

آكلاشلمشدر . روسيهده قان آغاجندن معمول
دكنكلرك بوايشده استعمالنك حسن تأثيرى مشاهده
اولمشدر . قان آغاجى دالى يرينه ايپدن ، يا خود كوسا-
له دن ياپلمش اولان قامچي ايله ضربك آرزو اولنان
اقتدار باهييه يي اعاده ايدمهديكى كورلمشدر . قان
آغاجيله ضربك تأثيرى چابوق كچ-وب اوريلان
ير دخى بره لنمديكى جهته اعاده اقتداره بلامزاحم
بيوك خدمتى كوريلور .

قامچيلانييله جق محل ، بوبرك ناحيه سييله بالديرلر
وقالجه اتلريدور . قامچيله مق بدايتهده غايت رفقاه
باشلانوب ، يواش يواش آرتيريلور . مطلوب حاصل
اولنجه يه قدر دوام ايديلور .

بو اصولى ، قامچيلنه جق آدم حمامدن چيقمنجه
اجرا ايتمك پك موافق قدر . فائده سى پك چابوق
كورينور .

اشبو امشاق اصولى مبدءا بحشده اشارت
اولنديغى وجهله اهالى قديمه دن اسكى يونانليلر

وروماليلرجه دخى مرعى الاجرا ايدى .
شيخ الاطبا [بقراط] و [جالينوس] اصول
امشاقى خستكان اوزرنده اجرادن چوق استفاده
مشاهده ايتمشلردور .

روماليلر ، سفاهت وعيش وعشرت ايله عدم
اقتدار باهيه دوشمش اولانلرك قوه باهييه لرينه
اعاده سنه ظفرياب اولمشلردور .

طبابت قديمه وعتيقه جه جريان ايدمه كلن اصول
امشاق ، تاريخ ميلادك اون اوچنجى عصرنده وبزم
تاريخ هجريته يديوز سنه لرنده قتولاك كليسالرينه
دخى كيرمشدر . او زمانك راهب لرندن بريسي :
« غضب آللهينك رحمت ربانيه يه تحويلى اصول
امشاق اجراسنه وابسته در !! .. » ديمش اولمى
اوزرينه پك چوق قتولاك افرادى بونك اجراسنه
تشبث ايلمشلردور !! ..

بناءً عليه بو اصول نيجه سنين وفيره حكم فرما
اولوب حتى كليساده اجتماع ايدن قتولاك افرادينه

عمومنه كونده اوتوز بيك قامچي قدر اورييلور
ايمش!..

هله قتولاك راهبرلرندن بريسي بواصوله او قدر
رعايت ايلمش كه قامچي ائرن دن جلدی سيم سياه
اولمش ايدوكي تتبع كتب قديمه ايله اشتغال ايدنلرك
معلوميدر.

اوز مانك خلق كناهلرينك؛ بو اصولي كندی
وجودلرنده اجرا ايتدير مكله عفو اولنه جني اعتقاديني
قوتلنديرمش و بناءً عليه مظهر عفو اولمق ايجون
اصول امشاق — دوزجه سي طياق يمكي — ترجيح
ايلمش اولدقلرندن قتولاك آيننجه استغفار ذنوب
ايجون چوق آچقه صرفنه لزوم كورنمز اولمش
ايمش!..

هر نه فكر و مقصده مبني ايسه پاپا آلتنجي
[قله مان] اصول مذكوري ترك والنا ايلمش ايسه ده
كليسا و مناسترلرده استغفار ذنوب ايجون بو اصول
امشاق ينه بر وقت خفياً اجرا اولنوب كلياً رهين

الغا اولمامشدر . مع مافيه بو زمان معارف نشانده
راهبرلر دن بريسي بويله كناه عفو مقصديله
كندو بدننه اسكي زمانلرده يادقلري كي ذكر
اولنان امشاق اصواني اجرا ايتديرمش اولسه
او راهبك در حال بيمار خانه يه كوندريله چكي بي
اشتباهدر.

كرچه كليسالرده اجرا اولنان اصول قديمه يي
بيلمك بزم ايجون لازم دكلسه ده [علم الشئ خير
من جهله] قاعده سنه رعاية بالاده يازلديني اوزره
بر از معلومات اعطاسي فائده دن خالي كورلمدي.



۲ — تأجير {ايصرغانله مق}

جلدي ايصرغان ايله دلک ايتمك اصولنه تاجير
دنييلور . بو اصولك منافعه كلنججه ايصرغان ايله
جلد اوغولنججه اوراسي قبارير وقزاروب شدتله
قاشينور. قزارمش اولان محللارك كنارلرنده تحمل

اولنه من درجه ده بر آتش حاصل اولور. بو آثار
ایصرغانك جلد اوزرنده کی قیللرك دیبلرینه تأثیرندن
نشأت ایدر. بناء علیه بوقیللرك دیبلرنده کی غده لر
افرازاتی تزید اتمکله مطلوب حاصل اولور.

امشاق اصولی جلد انسانی به خارجاً تأثیر
ایتمکله جلد اوزرینه متعدد دکنك وقامچی
اوردقچه قان اورایه هجوم ایلر، تأجیرك تأثیری
ایسه ایصرغانك حاوی اولدیغی مایعك قیللرك
دیبلرندن وجوده داخل اولدیغنه نظراً داخل
منفعت بخشادر.

بو خصوصه کثرت اوزره یشیل ایصرغان
ترجیح اولنور. بونکله جلد انسانی دلك ایدیلرك
اویوشدیریلوب شدتلی یاغمه ظهور ایدنجهیه قدر
دوام اولملیدر.

بو عملیات ایوجه یاپیلورسه آلات تناسله
سرعت قیام وانتعاض وقوعبولور. کرچه ابتدالرنده
حصوله کلان انباه چابوق کچر ایسه ده صکره لری

دائی صورتله انتعاض وقوعبوله جغندن صورت
مطرده ده عملیاته دوام ایتك اقتضا ایلر.



تحصل ایتدی؛ بر چوق قیل وقال میدان آلدی:
 «با کر دکل ده او غلمزه تسلیم اولیور!...» دیو
 بیچاره زوجه نك عفتسز لکنه قدر حکملر
 ویرلدی. نهایت حاذق برابه طرفندن معاینه سی
 قرارلشدیرلدی. بو معاینه ده قباحك داماد بکده
 اولدینی تبیین ایتدی.

تداویسی ایچون محرر اثر حسین رمزی بکه
 مراجعت ایلدی. مشار الیه ده ایکی عدد رچته
 ترتیب ایدوب زیرده محرر مکتوبی تحریرله
 کوندردی.

نورالدین رمزی



صورت مکتوب

اوغرا دیغکز درده قارشی آراد یغکز دوانك
 ترتیبی میسر اوله جفندن مراجعت واقعه کزه جواباً

عدم اقتدار

[ذیل]

اون بش سنه دنبرو طایمقده اولدیغم برذات،
 اوچیوز درت سنه مالیه سی نیسانی نهایتنده ازدواج
 ایتدی ایدی؛ فقط تا او زمانه قدر [استمنابالید]
 فعل مکروهیله دمکذار اولدینی ایچون [عدم
 اقتدار] بلیه سنه اوغرا دی.

بو ذاتك خیالنده تجسم ایدن مسعودیتی
 عدم اقتدار ثمره سیله بر آنده محو اولدی؛ حتی
 افعال ردیه نك وجودینه ویردیکی ضعف، آلتی
 ماه قدر دخی معامله زوجیه ده بولنه مامسنی انتاج
 ایلدی. بوندن طرفین عائله سی آره سنده برودت

شو کاغدی یازدم، منطوقه توفیق حرکت ایدرسه کز،
وظیفه ازدواجك یرنی بوله جغنی مأمول ایدرم .
اول امرده شوراسنی اونو تمیکز که باشکزه کلن
بو [عدم اقتدار] دنیاده بک چوق آدم لک باشنه
کلشدر. بونک ایچوز عیب صایلماز، بونلرا کثرتله
وقوع بولور. هیچ مراق ایتمیکز. قلبکزی اندیشه
وخوفدن اسیرکیکز. زیرا خوف وشدتله حصول
آرزویه مانع اولورسکز، بونی خاطرده طوتیکز،
ویره جکم علاج وتدابیره ده رعایت تامه ایله رعایت
ایلمک لازمدر. قصور ایدر ایسه کز، قصورلی
قالورسکز، کوزیکزی آچیکز.

شمدی به قدر بالطبع کندیکزی ایچه یورمشسکز
در. آنک ایچون بر ایکی کیجه استراحت ایله
اویویوکز. وجودکزی اییدن ایی به دیکلن سین. بو بر
ایکی کون ظرفنده صباح واقشام صغوق صودو کونمک
لازمدر. ممکن اولور ایسه هرکون دکزه کیریکز.
صوغوق صویی دو کوندکن صکره بر آتش باصار

بو آتش کچنجه ایوجه قورولانکز.

هر صباح ایکی نمدتازه یورطه دن رافادان یاپدیر.
یکز بر آزده طوز، بوبر قارشدیریکز. صکره ده
فنجان یا خود بارداق ایچنه دو کوب ایچیکز. اوزرینه ده
یوز درهم سودی ایوجه قایناقدن صکره ایکی
فنجانلق قهوه پیشروب بوقهوه نی قاینامش سودک
دروننه قویوب برازده شکر علاوه ایدیکز، بوسودلی
قهوه نی ده یورطه نك اوستنه ایچیکز. بر دیلم ده
فرانجه ییکز.

درت ساعت صکره اوکله طعامی یمک لازمدر.
اوکله طعامی: یاغسز اوله رق اسقره ده پیشمش فیله.
تودن [*] بشقه یمیکز. هله سبزها کلندن قطعیا توقی ایدیکز.
بونکله برابر یالکز ایجه بر دیلم فرانجه کفایت ایدر.
اوکله یمکننده اوفاجق شیشه ایله ویردیکم علاجدن بر اوفاق
قاشیق دولدیروب ایچیکز. فیله تودن صکره طعامده

[*] فیله تو، صفرا تینک بل کمیکی قرینده بولنان اوزونجه
اتدن اولور.

براز فصوليه يـمـك ايودر. صوغان صلته سي
يـمـلـيـدـر. صكره طعامدن قالقوب او طه كزه چكلكده
براز فستق ايله برازده بادم ايجنى قورو رزاقى
اوزومى ايله ييـوب برده چلردن يوتوب ايشـنه
كيـتـمـلـيـدـر. صو آز اچمه ليدر. ا كشي يـمـاـمـلـيـدـر .
طوندرمه يـمـك موافقدر .


اقشام طعامنده دخى يـنـه فيله تو ياخود صوسمز
پيشمش قويون اتى ييـوب طعام آره سنده يـنـه اوفاق
شيشه نك علاجندن بر اوفاق قاشيق آليـكـز .

طيور اهليه ايله پيشمش فصوليه موافقدر .
فصوليه دن بشقه سبزه يـمـاـمـلـيـدـر. ات صوينه پيشمش
پلاو دخى فائده ليدر. بونلرك آره سنده يـنـه رافادان
يمورطه دن ايكي دانه ييـوب برازده قشار پينرى
يـمـلـيـدـر .

بعدالطعام يـنـه او طه كزه چكيوب بر آز بادم
وفستق ازمه سي وياخود بر آز بادم شكري يـمـك
لازمدر. چلردن دخى بر دانه يوتمليدر.

اويقويه يتار ايكن قاصيقلريكزى صغوق صو
ايله ييقايوب ياتكز.

حـكـمـه



قارء! صاغديجك طقوزنجى واوتنجى مباحثنى تشكيل
ايدن عدم اقتدار حقنده تحف و غريب بر فكره مطالع
اولدم ؛ بوراده ذكر ايتدن ديكر مباحثه كچمكى كوكل
آرزو ايتدى .

برقاج هفته مقدم غلبه لك بر محله بولنيوردم ؛ بر
آره لق سوزك جريانى قارى قوجه آره سنده كي امتزاج سزافه
كچدى . هر كس بيلديكنى ميدانه قويدى . نهايت ايجلرندن
برى ديدى كه :

— بن سزه بونك باشليجه سببى سويليه يمى ؟ بو
امتزاج سزافه سبب قادينلر مذك مخالف طبيعت افعاله
متصدي اولوب جمله مصيبه لرينى زياده سيله بورملرى
زوجه لريله ميانه لرنده شكر رنكلك حصوانه بادي اويور
بوده يواش يواش برلرندن صغومغى و نزاع دائمي الوقوعى
استلزام ايديور . بونك نتيجه مضره سي ايسه آره لرنده كي
مباينتك نه اولديغنى و نه دن نشأت ايتديكنى بيله مدكارندن
برلرندن آپرلق چاره لرينه دوشيورلر .

بر دیکری :

— اوت، بودیدیککز پک طوغری . لکن بونک یوزندن متضرر اولان تخمیناً یوزده یکر می نفوس فرض ایدیله بیلیر. حالبوکه عدم اقتدار دنیان بلیه نك یوزندن چوق خانمانلر محو اولمقده در .

دیدى . بحث بر مدت دها اوزادی . «ارتقا» غزته سی مطبوعه سینه کتورلک اوزره یانمده صاغديجک طقوزنجی [عدم اقتدار] بحی وار ایدی . آنی قرائت ایتدم . سامعین کال دقتله دکله دیلر . ختام قرائتده اورته یاشلی برذات یانمه صوقولوب برشی سويلیه جکمش کی دقتلی دقتلی یوزیمه باقمغه باشلادی .

— برامریکزمی وار؟ دیدم .

— استغفرالله ، خیر ! . . شی ؛ بر فکر خاطر مه کلدی ده . . . او قود یغکز بحثه درج اولنماش ، آنی سويله مک آرزو ایدر ایدم . مادام که مساعده بیوریلور سويلیه می : عدم اقتداره مبتلا اولانلره قارشو اقتضا ایدن تدابیر طبیه یی پک کوزل یازم شسکز ، لکن غرضکاری و یاخود رقیبی طرفندن عقد نکاح آواننده باغلانانلره قارشو بر تدبیر ذکر ایتمام شسکز ! . . .

دیدى . رفقا کاملاً بوذاتک سويلدیکی سوزلری آکلامد قلرندن دقتله یوزیمه باقمده ایدیلر . بنده کزه معترض بولنان بوذات ایسه سويلدیکی سوزک سامعینی

کندینه جالبندن محظوظ بوانیورمش کی اطرافه کال مغروریتله باقیوردی .

کندیسندن نه دیمک ایسته دکارینی سؤال ایتدم . تکرار اطرافه برکوز کزدیروب سويلیه جکی سوزلره بر سلسله ویرمک ایچون برایکی او کسوردی ؛ بعده دیدی که : — افندم ، بنده بوسره بر تصادف سایه سنده آگاه اولدم ؛ باقکز فصل ! . . برکون یولم بر مزارلغه اوغرادى ! مزار طاشلرینی او قویه رق فاتحه تلاوت ایدرک کیدر ایکن آیامه بر جسمک دو قوندیغنی حس ایتدم ؛ اکیلدم ، یرده کی شیئی آلدیم . بونی دوچار حیرت ایده جک بر جسم دکل ایدی : ایکی شم شیر قاشیغی ارقه ارقه یه کتوروب ایکی محلندن صیم صیقی باغلامش لر و یاننده مائی بر چیقین قویملریدی ! . . بونلری جیمه قویوب خانه مه عودت ایتدم ؛ خانه مزده اسکیدن برو النده بیودیکمز [صابره منلا] نامنده برقادین وارددر . قاشیقلر ایله چیقنی کندیسنه تسلیم ایتدیکمده بر چوق شیلر او قویوب اطرافه او فله مکه باشلادی .

عجایب ! . . کون کورمش ، یاش شامش ، [صابره منلا] کی برقادینی کتورمش اولدیم قاشیقلرک بوقدر او . قوتوب او فلتکه سبب اولدیغنه شاشدم قالدیم ؛ او قومسی بتدکدن صکره : « — هایدى ، اولاد ؛ مادام که زخت ایتش کتورم شسک ؛ باری بوصواب ده سنک اولسون !

آل، بوقاشیق‌لری بربرینه ربط ایدن کیرش‌لری کس! ..
آیر، برینی صاغنه قوی، دیکرینی صولنه، چیقنی آج،
ایچنده بریونجق‌ایله طوز وارددر، طوزی باشندن یوقاری
قالدیر، بونجغی دخی یره قویوب اوزرینه صو دوک! ..»
دیدى. بنم تردد ایتدیگمی کورنجه قولدن طوتوب باغچه‌یه
طوغری ایتەرك: «هایدی، اولاد هایدی! کیم بیلور،
نه وقتدن برو ایکی بیچاره اوزونتی چکمه‌کده در. حاضر
آنلره ایولک ایتک النده ایکن بوکا تردد ایدلر. . . .»
دیدى. بن [صابره منلا] نك بوسوزلرندن هیچ برشی
اکلامادم! بونک نه اولدیغنی بکا شرح ایتز ایسه دیدیگنی
یایمیه جغمی سویلدم، اگر حرفیاً امرینه اطاعت ایدرایسه‌م
بعده سویلیه جگنی وعد ایتدی، بن‌ده سویلدکارینی عیناً
اجرا ایتدم. [صابره منلا] ده دریندن برنفس آلدی،
کول یوزله بکا دیدی‌که: «— کوردکمی؟ اوغلم! .. بو
کون کوزل برایشده بولندک، شمعی سن ایکی کشی‌نی
بربرینه قاووشدیردک! .. آ... نیه اوپله آلیق، آلیق یوزمه
باقیورسک؟ .. هی قوزم، هی، بوجربدر! .. رحمتلی صاغ
اولمی ایدیده سکا باق نه کوزل اکلاتیر ایدی...» دیدى.
کوزلریکی سیلکه باشلادی. آرتق بن‌ده مراقدن چاتلامق
درجه‌لرینه کلدیم، زیرا دقت بیوریلیور یا! بزم [صابره
منلا] کوزه‌لکی براقوبده ده‌ما مقصده شروع ایده‌دی.
بردها رجا ایتدم. براوزون نفس آلدقن صکره ینه سوزه

باشلادی: «— ده‌ا سن چوجقسک، انشالله بیور،
بویله شیلری اوکره نیرسک، لکن مراق ایتدک، هایدی
شمعی اوکرشمش اول، نکاح قبیله جغی وقت امام الدیکمی؟
وبردیگمی؟ دیدیکی زمان، قادینک ویاخود ارککک دشمنی
کیم ایسه اللرینه برر قاشیق آلوب برینی داماد، دیکرینی
کلین فرض ایله کوردیکک کبی قاشیق‌لری آرقه آرقه‌یه صیم
صیق باغلار صکره‌ده طوز ایله بونجغی برچیقنه قویوب
مزاراغه براقور. بر خیر صاحی آتی اورادن آلوبده
سنک یاپدیغک کبی یایمز ایسه او ایکی بیچاره‌لره
زفاف زهر اولور. آنلر ایچون آرتق قاریلق قوجه‌لق
یوقدر. بویوزدن نه قدر اولر ییقلدی! نه قدر ارجاقلر محو
اولدی! ..» دیدى. نصل بک برادر؟ شمعی باغلانمه‌نک
نه دیمک اولدیغنی اوکرندیکزمی؟ .. لکن یالکز بونی اوکرتمک
کفایت ایتز. بونک دواسنی ده بیللمی...» دییوب سکوت
ایتدی.

بولندیغمز محله برفیسلدی اولمغه، هرکس بربرینه
باقوب کولو شمکه باشلادی. بن‌ده بوذالک فکرینه اعتراض
ایتمه‌رك دیدم که:

— رجا ایدرم، بک افندی، لطف بیورکرده بوکا
قارشو [صابره منلا] نك دواسنی دخی بزه بیلدیرکز!
— بن‌ده [صابره منلا] یه عیناً سزک سویلدیککز
کبی سویله‌دم. هم بن سزک کبی بویله صغوق قان‌ایله طاو.

رائدم، زیرا بویله برحالك بنمده باشمه کله سندن زیاده. سیله اورکمکده ایدم، عادتاً [صابره منلا] به بیک رجا ایله سویلته بیلدم. همده نصل! آغزندن کرپتن ایله سوز آلیوردی. هر نه حال ایسه، مادام که آرزو بیوریلیور، بنده کزک جمعیتنده اجرا ایتدیکی عملیاتی عرض ایدیم، بنی باش کوز ایده جکاری زمان [صابره منلا] تدارکانه باشلا دی: بندن متین بر آصمه کلید ایسته دی، آلدیم، کتیردم، کندیسنه تسلیم ایتدم. وکالتی ویرر ایکن کل بکا خبر ویر دیدی. خبر ویردم. کلیدی کیتله دی. انختاری بکا تسلیم ایدوب ایوجه صاقلامامی شاید صاقلامیوب ضایع ایده جک اولور ایسه الی نهیه محجوب قاله جفمی بیان ایله کردکه دخول ایده جکم زمان انختاری بندن اخذ ایده جکنی دخی علاوه ایتدی. سوزلرینی حرفیاً اجرا ایتدم. کردکه کیرر ایکن انختاری تسلیم ایتدم. اولجه کیتلمش اولدیغی کلیدی آچوب اوطنک اشیکنه قویدی. اوزرندن آتلا یوب اوطنیه کیردم، الحمد لله تقامی عدم اقتدار بلیه سندن قورتاردیم! . . .

دیدي .

نصل قارئ، غریب فکر دکلی؟ . . .

نور الدین رمزی



حَافِظِ خَانِکِ طَوْحِ خَقْلِکِ مَسْکِکِ

برخانم حامله اولدیغنی حس ایدر ایتمز، برنجی وظیفه سی، رحمنده نشو ونمایه باشلامش اولان جنینک سربست بیومسی، تضدیق ایله معاذ الله بعض فناقلره سببیت ویرلما سی ایچون قورسه استعمال ایدنلردن ایسه در حال آنی آتمق وکیه جکی انتاری وکوملکی غایت کنیش بجمکدر .

اسکی رومالیر ایله قدیم یونانلیر زمانلرنده برطاقم تکلیفات وار ایدی، که حکومت آنلری اجرایه قادینلری مجبور طوتار ایدی. از جمله خانملرک مبهلرینی طوتمق ایچون طاشیمقدده اولدقلری قوشاغی

حامله اولدقلرى زمان ترك ايتمهكه مجبور ايدرلرايدى.

مدت حمل ؛ ايكي دوره منقسمدر :

برنجى دور ؛ درت ماه قدر امتداد ايدر .
بومدت ظرفنده استفراغ ايتمك ، طعامدن ايكرنمك ،
هضم طعامجه كوجلاك چكمك كي برطاقم راحتسز .
لقلر ظهور ايلر . بونك ايجون حامله لكارى نمايان
اولان قادينلر بومدت ظرفنده اطعمه نك مقدار
وكيفيته دقت ايدرلر آنلرى تحويل ايتمليدرلر .
كيفيت ديديكمز شى حامله قادينك طعامى ، زياده .
سيلاه بسلييجى وبهارلى اولماسندن عبارتدر . اكر
بو كيفيته رعايت اولمز ايسه اوزمان حامله خانمك
سربست اولمى ايجاب ايدن قاننده راحتسزلاك
ومعده سنده شيشكىنلاك پيدا اولور . مقدارك معناسنه
كلنججه آزيك بيلريدر . گرچه بين العوام حامله خانملره
« ايكي جان طاشيور ! » ديه چوق يمك يمك توصيه
ايدنلر وار ايسه ده بو توصيه طوغرى دكلدر . آز
يمك يمه نك چوق خيرلى اولدينى طباً ثابتدر .

ايكنجى دور ؛ برنجى دورك نهايتندن وضع
حمله قدر ممتد اولور . بواثناده بالعكس حامله خانمك
ييه چكى طعام پك زياده بسلييجى اولمق شرطدر .
فقط باصدرمه وصوجوق كي طوزلى وبهارلى شيلرى
اكل ايتمكدن توقى ايلمليدر . چونكه ايلك دور
ايجنده جنين رحم مادرده بريمورطه مقدارنده بولندينى
حاله دورثانى مبدآندن اعتباراً بحكمته تعالى بردنبره
بيور . آنى حامل اولان قادينك وظائف اعضائيه سى
حسن صورتله جريان ايتمهكه باشلار . بناءً عليه بو
ايكي دورك شرائطنى ايفا ايتمامك وجودينه وثمره
وجودى اولان جنينه آجيامقدن نشأت ايدر .

برده حمل مدتجه قادينلر ك مادي ومعنوى
كندولرني زياده سيلاه يوره جق شيلردن اجتناب
ايلملى لازمدر . زيرا بوبابده حاصل اوله جق
تأثيراتدن رحم متأثر اولور . بو تأثر دخى رحمك
ايجنده كي جنينه سرايت ايدر . برده هنكام حمليه
قادينلر دوچار اوله جقلرى خيالات واوهام ، افرازات

وجودیه لرینی تزئید ایدر . اخلاط بدنیه لرینک ،
قانتک بعضاً تکثیریله اوتیه برویه مهاجمه سنه دخی
سبب اولور . بونلر ایسه متنوع حسیات حصوله
کتورر .

ایشته بوخیالات و اوهام برمدت دوام ایده جک
اولور ایسه یواش یواش غیر متحول بر فکر ثابته
انقلاب ایدر . انتظام اعضای بدنی صار صوب بالتدریج
جمله رحمیه بی تغییر ایتمکله رحم دروینده کی جنینه
تأثیر ایدرک آنک بدننده دخی تحولات اثری کو -
ستره جکمنده شبهه یوقدر . رحم مادرده بولنان جنینه
تأثیرات قویه سی اولان سببلر شونلردر :

بالاده بیان اولندینی اوزره قورسه ایله البسه
صیقی اولوق ، جدار بطنی اوزرینه اورمق ، بر
یردن دوشمک ، شدتله برشیئدن قورقق ، انفعالات
شدیده تأثیراتنه اوغرامق کی اسباب ، جنینک
رحم مادرده نشوونماسنک تاخرینه بادی اولدینی
کی سؤ تشکلات ایله برابر بعضاً بر طرفنک

قیریلوب اینجلمسینی دخی مستلزم اولور .
حامله قالدین ؛ « آش یردیکی ویاخود چوجنی
قارننده ایلک اوینادینی وقتلرده هر نه شیئه بقارایسه
چوجق آکا بکزر ! . . . دیه سویلنمکده اولان
سوزک علم نظرنده دکری یوقدر . چونکه اسکی
زمانلرده بوکی دکر سز پک چوق ظنیات موجود
ایدیسه ده مقدما یازمش اولدیغمز وجهله اکثریسی
اسباب عادیه نك اثر کوسترمین قیلمندندر .

بوابده اصل رعایت اوانه جق برشی وار ایسه
اوده مدت حمل ایلر ولدکجه معامله نك آزالتمسی
وارکی طرفندن قالدینه اولکنندن زیاده معاملات
لطفکاری و مساعدات لازمه دریغ ایدلما می
قضیه لریدر .

زیرا قالدین اثر عشق و محبتنی یتشدیرمکده
بولندیغنه نظراً نشانه شکران اولوق اوزره هر
وقتکنندن زیاده بو زمان آنی ال اوستنده ، حتی
کوز اوستنده طوتمق شان انسانیتی بیلنلرک وجیهه

ذمتی ، عکسی حالده بولنانلر ایسه عمومک مظهر
نفرین ولعنتیدر .

قدیم یونانیلر واسکی رومالیلر زمانلر نده سوقاقده
کچمکده اولان حامله قادینه یول ویرمک ، آکا
احترام خصوصنده مبالغه ایدمک بر قانون عمومی
حکمنی آلمش ایدی .

حق حکمای یونانیه دن مشهور [سقراط] ،
[آناقساغور] ایله برابر آتنده برکون ط-ار بر
سوقاقده کیدرلر ایکن برقادینه تصادف ایتلمیله همان
سوقاغک دیوار جهنمه شتاب ایتمشلر ، قادینک
سربست کچمسنه مساعد بر حال احترامکاریده
بولتمشلردر .

یاکیز بولردکل آ . . . اقوام مذکوره رجالی
قادینلره ، هله حامله اولانلرینه تعظیم ورعایتی کندو -
لرینه مدار افتخار عد ایدرلر ایدی .

— ۴۴ —

آش یرمه — بر نوع عارضه موقته اولوب حامله

قادینلرده چوق دفعه ظهور ایدر . بو حال رحمت
اختلاجاتی اثری اوله رق اعضای هضمیه ده کی تحولاندن
بشقه برشی دکلدرد . معدنک جمله عص-بیه سی
تعلقانک عوارض-ندن اولمق اوزره بعضا طرز
معیش-تنک صورت موقته ده انتظامی بوزلمسندن
عبارتدر .

آش یرمه ، کثرت اوزره مخالف طبیعت شیلره
اولور . بعضا قادینلر آش یرر ایکن پک مستکره
شیلری آرزو ایدرلر ، هله بعضیلری بسبتون عقل
آلمیه جق شیلر ایسترلر . شو وقایعه دائر قارئین
گرامه بر ایکی مثال عرض ایده لم :

[قوره سینه] نام مؤلفک ضبط و تحریرینه
باقیلور ایسه : بر حامله قادین آش یرر ایکن دیری
دیری استاقوز و اوینار اوینار بالقلری یمک ایستر
ایمش ! . .

دیگر بر قادین ده آطه طوش-انلرینی قانلرینی
آقیتهرق یر ایمش ! . . بر دیگری دخی یوزلمش

برقیونك دریسنی تویی ایله برابر برکیجه ده یمش
ایمش

بر دیگر مؤلف دخی کوردیکی وقایعدن اوله رق
شو ایکی وقعه آتییه یازمشدر :

بر قادین آش یرر ایکن قوقش اتلر وحقی
پیسلك یدیکی کی مردار صولری بیله ایچمشدر . .
[غولارد] نام مؤلفك روایتنه نظراً :

بر قادین دخی انسان اتی یمکی آرزوایدوب فقط
تدارکی محال اولدیغنی کورنجه در حال زوجنی قتل
ایدرك بدنك بر قسمنی یدکدن صکره متباقیسنی ده
طوزلامشدر نعوذ بالله تعالی . . .

بویله فوق العاده شیلر هر حالده اکر چه نادر
اوله رق وقوعه کلور ایسه ده برزوج زوجه سنك
مناسبتسز آش یردیکنی کورر ایسه آنی تبدیل
وتعدیل ایتکه چالشمیلدر . حتی قادینده بویولده
بر دلیلک اماره سی حس اولنورسه — چونکه هر
شیئی ارتکاب ایده بیله جکندن — جنایت ایقاعنه

مقتدر اولمامسی ایچون آنی عادتاً تحت محافظه ده
بولندیرملیدر . بر حامله قادین آش یردیکی وقت
استدیکی شیلر ضرررسز ایسه اکا هر حالده مساعده
ایتملی ، در حال تدارك و چاره سنه باقهرق اول حال
بار محبتی ممنون ایلمیلدر .



اولور . قادین بوکونلرده هضم طعامجه صعوبت
چکر، کیجهلری بعضاً آغراق باصار . بل کیکلرینه
آغری ، صیزی کلور بونلری حس ایدنجه هان
حاذق برطیبه مراجعت ایتلیدر . زیرا سن بحران
قادینک بدننده آغرو وخیم علتلرک حدوثنه سبب
دخی اوله بیلور .

ممالک حاره و بارده ده سن بحران ۳۵ یاشلرنده،
ممالک معتدله ده ۴۵ سنلرنده حادث اولور و ۵۰
یاشنه قدر سه ورر . فقط بوقاعده ناک استثناسی
چوقدر .

عادتک انقطاعی ایله قادینک انسجه شحمیه سنده
سایل مغدی تراکم ایدر . یواش یواش قادینک
لطیف اولان شکل و نزا کت بنیه سی تحول ایدر ،
مهلری پورصور ، عادتاً قادین شیشمان اولور .
کوزلرینک باقیشی وقوة جاذبه سی تبدل ایدر . سسی
دخی دکشوب ارکک سسینه مشابه اولور . بو حالد
قادینک آرتق قادینلمی کچمش اولور .

رجال و نسا ده سن بحران

سن بحران دیمک ؛ ارکک و قادینده کندولرینک
ذریت حاصل ایتمه آرتق اقتدارلری قالماسی دیمکدر .
قادینلرده حیض کورمه ک باشلامق ذریته قابلیتی
وحیضک انقطاعی ایسه ذریت کتورمکدن عجزی
دیمک اولمغله بوکا اسان طیده [زمان سن بحران]
تعبیر اولنور .

قادینک بو سننه وصولی بر طاقم اماره لر
ایله باشلار ، بو اماره لرده سن ایله تبدل
ایدر . بعض قادینلرده دم حیض افراط اوزره
کلمکه باشلار . زمانلرنجه انتظامنه خلل طاری

بو مرتبه بی بولمش اولان قادین عمومک احترامی
قزاقور، عائله و جمعیت بشریه ایچنده بر مقام عالی
اکتساب ایتمش، کون کورمش، یاش یشامش،
تجربه صاحبی اولمش، اولاد و احفادی اوکنده
قوشوش مقده بولمش، قادیساق حالارندن تماماً
قورتلهرق یکیدن برعالمه کیرمش بولنور. اولجه ایو
تربیه آلمش ایسه آنک تحت نظارتنده بولمش اولان
تازه خانملر، باکره لر دخی تماماً سه عاده ایرمش
اولورلر.

رجالک سن بحراننه کلنجه : بوسنه واصل
اولان رجال کندو حالی، مقتضای سننی اکثریاً
ادراک ایدمه یه رک بوشی بوشنه مباشرت ایلدیکی
آرزولرینی اجرایه چالیشور ایسه ده نشانه علل
واسقام کوندن کونه بدننه تعرض ایتمه باشلار.
علل بولیه، روماتیزما، تقریس و سکتته دماغیه کی
حالات؛ ارککلرجه سن بحرانک باشلیجه علامتلر-
ندندر. بونکله برابر ارککلرک بنیه لرینک قوتی

نسبتنده قوه تناسلیه لری مدت مدیده دوام ایده
بیلور. صحت و عافیتی برنده اوله رق امرار ایام
ایدر.

فقط عمومیتله الی یاشندن صکره ذریت کتورمه
افتداری انحطاطه توجه ایدرک یتمش یاشلرنده ایسه
بسیتون مضمحل اولمق کثیر الوقوعدر.

هر ارکک سننی آلدجه کنجاکنده اولدینی
کی قوای باهییه سنک اشتداد و هیجانیله دوچار
اضطراب اولورمی؟ دینلورسه شو وجهله جواب
ویریلورکه : بو حال ارککلرک قوای باهییه سندن زیاده
متانت جسمانییه سی ایله متناسبدر. فی الحقیقه قوای
باهیه لری کنجده کلرنده کی کی کندولرینی مضطر
وبی حضور ایتمز ایسه ده معتدلانه اوله رق وجودلرنده
ینه حکم فرما اولور. یعنی دایقانلیلرده کی کی یاشنی
المشلرده اجرای تاثیر ایده مزایسه ده بونلرک بدنلرندن
بسیتون دخی ساقط اولمز.

اختیار آدملرک عشق و محبت معتدلانه سی رنگین

اولور . مدبرانه و عاقلانه حرکته بوانورلر ایسه
وفاتلرینه قدر لذائذ حیاندن مستفید اولورلر . شو
قدرکه سنک ترقیسی نسبتده قوه عشقیه نك دخی
قرین تناقص بولنه جنی طبیعیدر .

قادینلره کنججه : عمرلری اولدقجه بولردن
شراره عشق و محبت زائل اولمز . حتی بعضلرنده
بوجاذبه قوتی الی آخر العمر همیشه تروتازه قالور .
اگرچه بوحال کنجلك هنکامنده کی روتقدار
کمال وشعشه نمای جمال اوله من ایسه ده سنلرینک
ترقیسیله برابرینه پایداردر .

حکمت بالغه الهیه مقتضاسنججه قادینلرک طبیعتندن
قوه جاذبه ایرلیه جغنه نظراً بعض ارباب دقت ؛
قادینک هیئت عمومیه سیله قوه جاذبه دن کنایت
ایدوکنی بیان ایتشلردر . نه قدر طوغری . . .
خدای متعال طبیعت نسایه قوه جاذبه بی عشقی طوتمق
ایچون تودیج بیورمشدر . بناء علیه قادینلرده
کندولرینه ودیعه اولان عشقی هربر یاشنده بشقه
برصورتله حفظ ایدرلر .

عشق و محبت قادینلرک زیور لایزالی ، رونق
نثار حسن و جمالریدر . بونک مکافاتی ایسه ارککار
طرفندن بو عشق و محبت صدافت و زیور طبیعیه
حسن حرمتدر .

على العموم حیات نسائییه نقسیمده بین الحکما
اختلاف آرا وارددر . حکیم مشهور [پاسقال] ک
فکرینه کوره حیات مذکوره اوج دوره منحصردر .
شویله که :

« قادینلرک برنجی دورده انتظار ایلدیکی عشق ،
خیالنده کیزلنلرک اویقوده بولنور . ایکنجی دورده
خاتملر خوابیده خیال اولان عشقی اعلان و اظهار
ایتمکده بی اختیار بولنورلر . اوچنجی دورنده ایسه
حیفا که مظهر اولدقلری عشق آنلری درکه خسرا نه
دوشورر ! . . . »

سن بحرانک یوقاریده تفصیل ایتمش اولدیغمز
علائم و مخصوصاتی صرف جهت فنییه متعلق اولغله
بونک معنوی جهتلرندن ده براز بحث ایتک لازمه دن
کورلدی .

د-اله مزك مباديسنده ازدواج اينه عشقه دار
بيان مطالعات ايدلديكي صره ده فن نقطه نظرندن ماهيت
عشقك صرف حيواني اوله رق اعتقاد اولم-قده
اولديغني، لکن بونك معنوي جهتلري ده بولنديغني
مختصراً بيان ايله تفصيلاني بو بحثه تعليق ايتمش
ايدك. بناء عليه دنيله ياوركه:

عشقك ماهيت معنوي سي؛ جناب حي لايزالک
کائنات اوزرنده هر ذره ده متجلی اولان بر نور
الهي سي، موجوداتک يکديکريله ارتباط وانجذابي
تأمين ايدن بر حبل لطيف روحاني سيدر. بوماهيت
سوزله تفهيم اولانه مز. چونکه الهيدر. ماده قلمله ده
تصوير ايديله مز. چونکه معنوي دير.

نشانه حيات عالم اولان کونشک طلوعی،
طپراغک فيض وبرکتی، انهار وجويبارک زمزمه
روحنازی، قوشلرک رنمات وجد آوری، متحسس
کوکالرک کيزلی کيزلی آه دلسوزی عشقک غير
قابل زوال اولان مخصوصاتنددر. زیرا موجوديته

نسبتله عشق لم يزلدر. زیرا عشق، مجرد فيض
صمدانيدر.

بر صبح صفای نوهارده؛ تلال و جبال دست
قدوتله تفریش اولمش بر نطع زمردین، غملي
کوکلردن قوپوبکلن سرشک حزين کي بر جويبار
خوشجریان، بر يد فيض بهار اولوب نسيم جانفزا
ايچنده پرواز ايدن کلبکلر، آغوش مادر دن هنوز
آرلمش قوزيلرک نغمه سنی بلا اختيار تقلیده يلتن
بر قوال س-سی، روزکارک طبعی اورمانچقلردن
حصوله کتوردیکی نفحه فردوسی، بو ائنده
مؤذنلرک بالک جلیل توحیدی آهنگ طبیعتی چشم
امعانه عرض ايدر ايکن بر آغاجک سایه سنده مستظل
اولان بر فاملي-ا تصور ايدیکزکه بو عائله؛ بر قائم
والده، برکلين، برده چوجقدن متشکل اولسون...
بوعائله افرادينک جمله سی، تمثال ماهيت عشق
اولان شو آهنگ طبيعیدن متأثر درلر. بو آنده
بونلرک خاطرينی نه قواي مهيجه باه، نه ده مسائل

کشمکش معیشت اشغال ایدر . شمدی بو عائله بر
مجسم حس لاهوتیدرکه بوکا «عشق» دینلور .
بو حال معنوی به [فیزیکولوژی] مباحثی قاریشه مز!..
شمدی شو لوحه نك موضوع بحتمز اولان
[سن بحران] مسئله سنه جهت تعاقبی مطالعه ایده لم:
بو فاملیا ارکانك ریئمی بولمان قائم والده ،
یعنی شمدی واصل سن بحران اولمش اولان خانم
افندی ؛ کلینی اولان نهال عصمتك وجودنده حس
ایدوب زوج حاضرینك موانستیه تعدیل ایلمکده
اولدینی آتش عشق نو جوانی دورینی کورمش
چکورمش ، هله مینی مینی یاورونك حسیات طفلان
نه سنی احساسات کهولته ایصال ایده لی قرق بش
سنه اولمشدر .

کلینی هنوز عشقنك تمثالی زوجنده کورمکده ،
یاورو ایسه کیمسه نك عقل ایردیره میه چکی عالم
ملکانه در ..

ایشته کلین چوجغنی ؛ تصویر ایتدی کمز عالمده

حسیاتنه تابع اوله رق تربیه ایدرسه او چوجق
نهایت کندیزی کی اولور ، بیوک خانم دخی کلینی
مرآت حسیاتنه تمثال اوله رق یتشدرمش ایسه
کلینی ده کندو مرتبه سنه واصل اولمش کورر .
یا کندوسی ؟ ..

یاشنی بائنی آلمش ، بر عائله کزیده نك رئیس
محترمی اولمش ، سن بحران یاقه سنه صارلمش اولدینی
حالده هنوز «عشق» دیدیکمز نورالهییدن مستفیض
اوله رق بو عشقی کائناتك هر ذره سنده ، مخلوقاتك
هر نوعنده کورمکه باشلامشدرکه : یتیم چوجقلر
بیوتك ، تقدینه حیاتی حسنه صرف ایتك ،
کلینك قیزلری آغشته خاک مذلت اولمقدن قور .
تاروب حمایه ایلمك برنجی شعاری ، فقط تصویر
ایدیلن عالمده کی حسیاتی ، مشاغل مبرور سنك
رهبر علویسی ایسه کنجلمکنده کی عشق ابتدائینك
صرف نتیجه حسنه سیدر .

سن بحرانك صورت شهوتده جلوه نما اولان
چیاغینلغنه کانیجه :

او مقوله بدبختلر بو کي احتساسات علويه ي
نفسلرنده جمع ايددميه رك يا [الطاف] ، يا خود
[مساحقه] فعل مكر وهيله دمكذار اولور لركه معاذ الله
دنياهدهده ، آخرتدهده ناملري حرمتمزلكدن
قورتلمز ، اسائت اعتيادلري ده موجب خسرانلري
اولور .

كرچه اختيارك كوكلق قوجه مزايسهده ارككلرك
اشراق حسيات عاشقانه سنه آلت رجوليتي اقتدا ايلمكده
عدم قدرت اظهار ايدم جكننده اشتباه يوقدر .
فقط بو قاعده عمومي اوليوب اكثر اولديغندن
مستثناسي دخي اندر دكلدر .

سجالات طبيهده مقيد اولديغنه كوره ۷۵
ياشنده بر اختيار ازدواج ايدرك عشقي بك يوليله
محافظه و اداره ايلمش اولمغله چولق چوجق صاحبي
اولمش ، ۸۰ ياشنده بر مرانغوز كندو بدننده اقتدار
حسن ايدرك ازدواجه رغبت اتمكده آنك دخي
في الحقيقه قوتلي قوتلي چوجقلري دنياه كمشدر .

بيلايكم بر ذات ۸۸ ياشنده ايكن اولندي ،
بو كون طقسان ياشنه بالغ اولمش بولنديني حالده
هنوز كوزل كوزل چوجقلره پدر اولمقدهده .
حتي بوندن بر آي اقدم بر طفل نو زميني دهده
مهد آراي وجود اولمشدر .

انكليرلردن طوماس ناميله و ۱۵۲ ياشنه بالغ
اولديني حالده كچنده وفات ايلمش اولان بر آدم
۱۲۰ ياشنده ايكن بر طول قادين آلمش ومعدت
عمريني آنكله سويشهرك كچيرمشدر .
والحاصل يوز ياشنه قدر نيجه اولاده پدر
اولانلر سجالنده مقيددر .

الك غريب وقوعاتدن اوله رق [آقادميا] تاريخنده
كورلمشدر كه ، اسويچردهده بر آدم ۹۰ ياشنده ايكن
اولمش وزوجه سي اولان قادين ده ۸۳ ياشنده بولنديني
حالده او آدمك بو قاديندن براوغلي دنياه كمشدر !
بووقعه نك خيال ومبالغه نوعندن اوليوب وقوعات
صحيحه دن بولنديني مذكور تاريخ كي دنيا نك الك
مشهور واك جدي بر مجله سنه درج اولمسييله ثابتدر .

اختيارلق عالملك شئوناني جداً عجباً بديندر .
 زمان، اختيارك صاچ وصـقالذك آغارمسنه وذهن
 و بدنـده ضعف كورنمسنه سبب اولمقده ايسـده
 جنـاب فياض قدرت نيجه اختيارلري قوام قواي
 رجليت ايله يك چوق كنجلره غبطه اندازايمكده در .
 آنجق بو كي آدمـلر هر حالده مستثنا يرا دلـدقـلرندن
 صاچي، صقالی آغارـش، بلي بوكلـمكه باشـلامش،
 قواسنه انحطاط كلي كلش اولان اختيارلرك جنبش
 اشتهاي تام ظهورينه آلدانوبده عشقبازلغه قيام ايتـمي
 سرعت ممكنه ايله زيب لحد مـمات اولـمسـنه سـبب
 اولور .

اختيارلق كلنججه يعني انسان آلتـش ياشـني چـكنـجه
 معاملات زوجيه به رغبت كوسترمامليدر . چونـكه
 آكا راغب اولانلردن يك چوغـي بالـآ خـردـمـتـواري
 اوله جـني مـزارـندن هـر بار برر آوـوچ طـپـراق حـفر
 ايده كـلوب حـتى رغبـت مذـكورـمـكـ تاثيري اولهـرق
 نيجه دفعه اختيار آدمـلرك فجئـة وفات ايتـمـكـلري
 دخي كورلـمـكـده در .

اختيارلق حقنـده يازلمـش اولان حفظ الصـحـه
 كتابلرنده كوسترلديكي وجهله اختيارلني وجودنده
 حس ايدنلر كندولريني يورمامق، سكونت واستراـ
 حت اوزره يشامق، او وقته قدر نه كسب وتملك
 ايلمـشـلر ايسـه آنـكله قناعت ايدرك سلامت قلب
 ايله امـرار بـقيـة عمرى التزام ايتـمـك مقتضى اولـديغـي
 بيلمليدولر .

وفا : ۱ كانون ثاني ۳۰۷

— انتها —

